## 庫全書

子部

欽定四庫

廣弘明集卷十二

檢討臣何思釣覆勘 詳校官中書臣沈鳳輝 校對官助教臣張曾炳 **總校官檢** 腾 録 監生 臣史殿崇 討

臣何思釣

**没定四車全替** 那四 1 君 雖 廣孔明集 僧 釋道宣 非 國 風箴 臣 £ 上 治也 化日 迷 不 詩 虞 撰 得 F 古 夏 Þ ۲Z 姬 諷

翟 為 有難 耿恭 痾 贪 事蝌 ľ 求唯 則終身 術尚 則徇 寵 攀附 2 皆讓畔 遇奏 命 傳 唇若驚職祭 同稿 矣本 相來 以報響哉 昇龍 乃有守道 以側侍豈非 路不拾遺孝子承家忠臣滿國 め 緱 17 **K** 连邊 翊 田 朝 含徳 箴 拳十 常 曰 伍 前 曹参関 既 日 無 相從 筬 卿 國 饬 獨 欲 季 壤而歌十五少童鼓 日 之 奻 推 + 無 渚 徒 忠 例 九 陽 代 臣 子 不 货 成止 應 何 起 得 亦 能曰 序成林 進 有 州 母 秋 也難 國 位岩 夏权 君 母 腹 茯

祖傅 道有返 100 禮 自 前 連 漢 竴 豈 誰 夷 佛 老 むし 裔 明 矣 汏 知 教丘 ?: **!**} 诗 碧 中 孔之 反有 却 無 귥 海 名 稱 習 太日 佛 西 過虛 金 16 之 夷之 吉 箴 五 8 晉 佛 逆 先 者 T. 女 神 夷裔 應 符 重 復 雨 主 盱 殃 早 是 g, 赳 信 無 有 Ø, 自 周 逆 者 破嫉 貼 侢 逃 1 融 永 氏 誘 得 辨 耹 居 刼 江 箴 łh, 河 古 晉 4,知 VZ 曰 胡 狱 日 先 店 結 朝 箴 ġ 聚 始禮 霸 當 吕 備樂 亦汝 在 箴 世 老 Ý 此 光 汝衣 既 不 原 州征 阮冠 得稱 **東周** 

斯 É 居 亦 同 烉 西 不 偽 匠 鮑 信 其 Æ 内 肆 **吳無復廣** 僧 在 世 也 坐 箴 感 遇 語 た 有 粄 兆 者 日 箴 脈 鳴 搢 斯 货心 ٤ 儒曰 紳 ā 士猾 儀箴. pė 仍口 像 知箴 日 贵 紳 藍 争 Đ 遵 聖 仚 Ð 翻受秃 农神 尃 Œ 本發 2 D 滋盛 動 過汝之 身 辱 业 羅綺剪 非 者 蛙 撞 曲 綘 T 箴 扔 頛 不揚 耳 戒 蛙 汏 槿 日 淫祀之 目索 儒 歌 脱 造 香 鮑 聴 肆 쑴 生 箴 1FP 所 Z 學中 鐘 面馳 熏 日 私 出 慈 因 倒 天妃

四月白章

近 とこううここう 李老無為之風而民自化 天門之開闔更新寶位通萬物之屯 金銀散雕舍利之 佛 剃髮隱中 焗水 悟良可痛 陳 經教妄説 設僧尼之會香油蠟燭 終福 色田 木事 之 悲 哉 之堂剝削 罪福 箴 親專行 Ð 崇 şι **厳日原** ,-19) 轨 敬朝 匠 Ð 孔 释廷 民财割截 丘愛敬之禮 稽 古 教 起羅 爪 照胡 同拾 所 國貯朝 否再育 羽俗 由 身 見歸 神之 浩 亦 續 而天 伏 塔 惟陛 黔黎 廷貴 堂 路斷 軍 旆

随隐 氏 揖 曹 時顯 建社 郊 司 恒忻 凡是沙門放歸桑梓 空 先 不 物 順 免 寧那 典 校 劾 星 艁 敍 髙 と 力 請 歳 是 牲 棚 勿度 胡 月 紋 其 非 咎 美 斷豈 小秃長揖國家 扔 除姦偽逾甚 可 中 四 教退還天竺 佛 謁 况 知 百餘 今逃 成 沙 矣 ۴ŋ 損 不 課之 君但聞 官治 |臣閲覽書契爰自 深出 /黨普樂 主 濟箴 箴 民察未見寺堂 理世 拜 郊祀 百 便日 不福 日 息縁 昔 Ð 子 來感 上帝 嚴 也 裈 趙 自 驯 子 租 往 九 避 权陵 庭 典 箴 1 餇 長不 190 丘曰

四届

誠惶誠恐飯 とこういれたか 可也武德四年六月二十 矣 **永年天下喪亂二儀點黷四海沸騰波震塵飛丘焚原** 是以窮子念達其言勞人願歌其事何者竊見大業 謹上益國利民事十有一 門法琳等格琳聞情切者其聲必哀理正者其言必 對傅实廢佛僧表并於 而箴 事 图) 廣弘 終忠 ij. 吉 вŊ 須 信不 Ð 條如左謹言歲 伏而 崔翰 剑有 皓租 监信 誠間城皇 惶奏之之誠不詞民 釋法琳 损日 恐實者鼓 國如能罪 臣爽 害汝 了有 民所者所

繁頭會箕飲積屍如莽流血為川人不 功盖補天神侔立極降雲雨而生育開日 圖 控告無所投骸莫從百姓苦其倒懸萬國困其無主豈 燎五馬絕浮江之路七重有平壘之歌烽燧時警羽 法輪絕響正教陵夷聖上與吊俗之心百姓 命爰舉義旗平 叶天地而通八風 ·馳閼塞多虞刀斗不息道消徳亂運盡數窮轉輸 區宇當時道俗蒙賴華我胥悦 測陰陽而 調四序和邦國序人 聊生物亦勞 F いい既臨 順見 倫 實 檄

金分四月日章

PARDIM LIMIT 起惡然其文言淺陋事理不詳辱先王之典謨傷人 裂嗚呼邪言感正魔辯逼真猶未足聞諸下愚况欲上 傅奕所上之事披覽未遍五內分崩尋讀始周六情破 同文景功業永隆不知手之舞之足之蹈之者矣竊見 九疇再敷五教與石渠之學布庠序之風遠紹軒義近 干天聽但卖職居時要物望所知何容不近人情無辜 之風軌何者夫人不言言必有中夫子曰一言合理則 以聲明紀之以文物思霑行葦施治蟲魚方欲重述 廣孔明集 倫

惑弄朝野然陛下應天順時握圖受錄赴萬國之心當 其不感戴天澤但由僧等不能遵奉戒行酬報國恩 此意本欲因兹自媒茍求進達實未能益國利人竟是 王聲高住帝爰復存心三寳留意福田預是出家之 都窮其始未乃罔胃闕庭處多毀辱聖人甚切如奕 1徒非違造罪致令傅奕陳此惡言辟踊痛心投骸 之慶扶危救世之力夷兇静難之功固以威盖前 事垂常則妻子背叛觀奕所上之事括

金岁世居台書

告海自後漢明帝永平三年夢見金人已來像教東流 號心行處減其道也運衆聖於泥洹其力也接下凡於 恒星不見夜明如日即佛生時之瑞應也然佛有真應 靈瑞非 深恐邪見之者因此行非案春秋曾莊公七年夏四月 無地然僧尼有罪甘受極刑恨弈輕辱聖人言詞切害 **欠三日申公** 二身權實兩智三明八解五眼六通神曰不可思議法 圖澄羅什之流竝有髙行深解當世名僧盡被君 具在漢魏諸史姚石等書至如道安道是之 庸孔 明集

絕者實荷人王之力也世間君臣父子猶謂恩澤難酬 昊天不報况佛是衆生出世慈父又為凡聖良醫欲抑 又問三王聖人數對曰三王善用智勇聖非丘所知 孔丘日夫子聖人數孔子對日丘博識强記非聖人也 皇能測力包造化非二儀可方列子云昔商太宰嚭問 而挫之罪而辱之不可得也仰尋如來智出有心豈三 溢於三輔並由時君敬信朝野歸心像教與行於今不 知貴勝崇重自五百餘年已來寺塔遍於九州僧

金为四月月十

問三皇聖人歟對曰三皇善用時政聖亦非丘所知太 荡乎民無能名馬若三王五帝必是大聖乳丘豈容隱 名釋迦文直就孔老經書師敬佛處文證不少豈奕 Print Little 西昇經云吾師化遊天竺善入沢洹符子云老氏之 人有聖者馬不治而不亂不言而自信不化而自行 大駭曰然則孰為聖人乎夫子動容有間曰西方之 五帝聖人 不說便有匿聖之愆以此校量推佛為大聖也老子 廣私明集 k 師

世 蕭牆內起逆亂相尋爾時無佛何因運短但琳預居尭 欲 讀之人猶切齒已為前鑑良可悲夫主上至聖欽明方 金月巴居白雪 夫子曰言滿天下無口過行滿天下無怨惡言之者欲 政祚短者案堯舜獨治不及子孫夏殷周秦王政數 人所能誘讟昔公孫龍著堅白論罪三王非五帝至今 放馬休牛式問封墓與皇王之風開釋老之化狂簡 日用其知在外見不便事恐番國遠聞謂華夏無識 說光可焚之若言帝王無佛則大治年長有佛則 虐 败

傅奕下愚之甚塊凡僧禿丁之呵惡之極也罪莫大馬 とこうらいま 形朝野美貫前英者馬但琳等內顧聞 徳 彼東平温易是歡更方西楚加以阿 之園識文雅之客莫不詩極緣情而賦窮體物信可譽 穢國風特損華俗謹録丹疑冒以啓聞伏惟大王殿 使 天挺英靈自然收疑風神類越器局含引好善為樂邁 既寒惟仁無裂網開康莊之第坐首卿之實起修竹 無罪聞之者足以自誠傅奕出言不避聞者悉驚有 廣孔明 衡百揆式序六條 如方圓寡用念

輕負弱爱少美而賤耆年以幻惑而作藝能以矯誑 自尊盧赫胥已來天地開闢之後未有如弈之狂悖 金万四石石量 遠統論其教虚多實少捨親逐財畏壮慢光重富强 剪剃髮膚迴換衣服出臣子之門 **卖云海内勤王者少樂私者多乃外事胡佛內生邪** 塵黷威嚴伏增殞絕謹啓 庭坐看膝下不忠不孝聚結連房且佛在西域言妖路 不任斷骨痛心之至謹録奕害事輒述鄙詞件答如左 入僧尼之户立謁 而 洒 也

Ca. 17 5 1.15 資三有此其大意也若言佛為思道僧是禿丁者案 者內辭親愛外捨官祭志求無上菩提 诰 他 王據佛邪説不近人情且佛滑稽大言不及旃孟奢侈 驅生菌供給死牙賤此明珠貴彼魚目違離嚴父而 為宗吉然佛為 以棄朝宗之服披福田之衣行道以報四恩立德以 作罪深禁紂入家破家入國破國者也對曰夫出家 何有跪十個泥神而為卿相置 姓之家鬼也作鬼不無他族豈可催 廣孔明集 盆殘飯得作 /願出生死苦海 敬

當願 養金像轉讀佛經又云東方如來遣善勝大士詣太 往東方詣佛受法道士張陵別傅云陵在鶴鳴山中 解法度得道如佛老子昇玄經云天尊告道士張陵使 願大戒上品經四十九願云若見沙門尼當願 念無量願早出身以習佛真又云若見佛圖思念無量 左以答那人其其伏罪道士法輪經云若見沙門 經書漢魏已來內外史籍略引孔老師敬佛處文 切普入法門太上清浄消魔寶真安志智慧本 切 供

金分四届分量

師 費遏截不聽當推置上座道士經師自在其下又云道 隨我往指佛所當今子得見所未見聞所未聞陵即 昇玄經云岩有沙門欲來聽經觀癬供主不得計飲 洹 日 士設齊供若比丘來者可推為上座好設供養道士 10 10 mm (士隨住佛所老子西昇經云吾師化遊天竺善入 自在其下若沙門尼來聽法者當隱處安置推 智慧觀身大戒經云道學當念旋大梵流影官禮 如來聞子為張陵說法故遣我來看子語張陵日 ζL 明集 + 卿 食 佛

是西方善思菩薩今來漢地教化衆生當遊仙道白日 願燒栴檀香供養千佛身稽首禮定光又云我生何以 國 志 法橋普度諸人物老子大權菩薩經云老子是迎葉菩 泥洹 沙門見仙公禮拜两手抱持而語仙公父母曰此 經云道以齊為先勤行當作佛 化遊震旦又靈寶法輪經云葛仙公生始數 主如法供養不得遮止也化胡經云願採優曇華 何早不見釋迦文心中常懊惱靈寶消魔安 勤新 行本 登並 金改 脚故設 B 有 兒

飲定匹庫全書

道徵生法開張太鄭思遠等四人同時發願道徵法開 昇天仙公自語弟子云吾師姓波閱宗字維那訶西域 僧至燒香右遠七下禮拜恭敬沐浴而止仙公請問 夢見善思菩薩下生葛尚書家吾將此香浴之到生時 C : 17 5 / 1. 1. 19 | 19 / 于時生在葛尚書家尚書年逾八十始有此一子時有 人願為沙門張太鄭思遠願為道士仙公起居注云 門自稱天竺僧於市大買香市人怪問僧曰我昨夜 也仙公請問衆聖難經云葛仙公告弟子曰告與釋 廣弘明集

得 品云施佛塔廟得千倍報布施沙門得百倍報昇玄內 教 本願大戒上品經曰施散佛僧中食塔寺一錢已上皆 經云與沙門道士言則志於道上品大戒經校量功德 二萬四千倍報功少報多世世賢明翫好不絕七祖皆 勸善了無從意云 沙門道士太傅至後生便為沙門大學佛法為衆法 入無量佛國仙公請問經云復有凡人行是功徳 經云或復有人平常之時不肯作福見沙門道士說 云道士陶隱居禮佛文一卷智慧 願

剑灰四周全律

師復有一 經欲 輪轉不滅得還生人中大智慧明達者從無數却來學 佛皆受前世勤苦求道不可稱計法輪妙經云道言夫 姓男子女人已得無上正真之道高仙真人自然十方 勸誠法輪妙經云吾歷觀諸天從無數却來見道士百 經儒俗之業道佛各歎其教大歸善也太上靈寶真 Call Citals 故執意不釋死入地獄考毒萬苦仙公請問經云五 何布耶虚腹日中一食此罪人也道士乃慈心喻 人見沙門道士齊静讀經乃笑曰彼向空吟 廣孔明集

時 地咸悉震動其夜五色光氣入貫太微遍於西方盡 江河泉池忽然泛派井泉並皆溢出宫殿人舍山川 青紅色周昭王問太史蘇由曰是何祥也由對曰有 已成真人高仙自然十方佛者莫不從行業所致也案 聖人生於西方故現此瑞昭王曰於天下何如由曰 周書異記云周昭王即位二十四年甲寅歲四月八 無他一 南郊天祠前當此之時佛初生王宫也穆王即位 千年外聲教被及此土的王即遣鐫石記之 Rp Ð

分四月分量

欠とり事とき 雲黑西方有白虹十二道南北通過連夜不滅穆王問 起發損人舍傷折樹木山川大地皆悉震動午後天陰 世至穆王五十三年壬申歲二月十五日平旦暴風忽 侯西入會諸侯於逢山以禳光變當此之時佛久已處 聖人處世楊王不達其理恐非周道所宜即與相國品 現耳穆王大悦曰朕常懼於彼今已滅度朕何憂也 三十二年見西方數有光氣先聞蘇由所記知西方有 太史扈多曰是何徵也對曰西方有大聖人滅度哀相 廣孔明集

桓玄書云經教所述凡有三科一 **卖云僧尼六十已下簡使作民則兵殭人衆對曰夫形** 言而自信不化而自行蕩蕩乎民無能名馬 為聖人乎孔子曰西方之人有聖者馬不治而不亂不 此之時佛入沒縣也史錄曰吳太宰嚭問於孔子曰孰 非阿練者或有多誦經文諷詠不絕而不能暢説義理 味遺典三者與建福業然有與福之人不存禁戒而迹 迹易察而真偽難明自非久處未可知矣昔遠法師答 者禪思入微二者諷

NA ALT

宅義士三萬戶州惟置一寺草堂土塔以安經像遣胡 立身住持三寶津梁七世資益國家請有罪者依法告 家勝起寶塔至於梵天何者人能弘道自利利他潔已 非者以此校量取捨難辨案出家功徳經云度 者或有年已宿長雖無三科可紀而體性貞正不犯 实云寺多僧衆損費為甚絓是寺舍請給孤老貧民無 とこりをこれ 治無過者為國行道 人傳示胡法對曰法流漢地五百餘年寺舍僧 廣孔明集 出

産不毀伯夷之廟夫子謂之仁人况佛為三界良田 在福 積世已有龕塔堂殿皆是先代與營房守門原都由 陛下再造生民重與佛道 **奕云西域胡者惡泥而生便事泥瓦今猶毛臊人面而** 明永平之化近同文帝開皇之時 心起造或為存及二親及經生七世求将來勝報種見 父母惟可供養不可毀除佛雖去世法付人王伏 田咸出彼好心非佛僧課立書云成功不毀故子 即是如來大檀越主請遵漢 惟 四

金月四屋台電

背而出伊尹託自空桑元氏魏主亦生夷狄然竝應 獸 明命或南面稱孤或君臨萬國雖可生處僻陋形貌 西羌文王亦生西羌簡狄吞熊卵而生偰伯禹割母胸 牛頭女媧氏亦蛇身人頭泰仲行鳥身人面夏禹生於 國之正俗盖妖魁之邪氣對曰案史記歷帝紀王儉 RIEDINI LINE 麤而各御天威人懷聖徳老子亦託牧母生自下凡 及陶隱居年紀等云庖犧氏蛇身人首大庭氏人 心土泉道人驢騾四色貪逆之惡種佛生西方非中 庚孔明集 <u>\*</u> 身 鄙 E

提之大國垂教設方但以利益衆生為本若言生在羌 得以所出庸賤而無聖者乎夫子云君子居之何陋之 太子期兆斯赴物感則形出三千世界之中央南閻浮 方隨機而現尋釋迦祖禰盖千代輪王之孫刹利王之 不足師敬案地理志西域傳言西羌者但是葱嶺之東 戎出自邊索便為惡者太昊文命皆非聖人老子文王 三十六國不關天竺佛生之地若知妄説何罪之深岩 有信哉斯言也敛曰有道則尊豈簡髙下故知聖應無

金岁正居石量

黃帝戰于坂泉以登帝位出尤逆命復戰涿鹿之野 **德生長神州得華夏正氣人皆淳朴以世無佛故也** 經五十二戰 日史記淮南等云黃帝時茧尤 **栾云庖犧已下二十九代父子君臣立忠立孝守道履** 不知浪言死有餘责 囚竟於平陽取之帝位今見有囚竟城舜又與有苗戰 缺顓項又誅三苗於左洞庭右彭蠡汲冢竹書云舜 顓頊時共工作亂頭觸不周山天柱折 銅頭鐵額作亂天下

滅之湯凡九征二十七戰大旱七年 背其北焚皇圖殺龍逢囚成湯縱妹喜修政不仁湯 鳳於青丘斬脩蛇於洞庭戮封豕於大澤殺九瘿 於丹水之浦堯上射九日落其烏羽楚 石髙宗伐鬼方三年殷紂辛迷感妲巳恣十惡之害 定四庫全書 親滅之夏桀之居左河濟右太華伊闕在其南羊 尚書云洪水滔天懷山襄陵黎民阻飢百 百姓各以其心而柏谷子退耕於野三苗不修德 夙 河洛竭流銷 流詞 金樂 姓昏墊禹 Б 金

王六月出征詩云簿伐檢犯至于太原採被遣戍役云 未盡善也武王之世三監作亂成王之日二叔流言宣 武王伐紂於牧野血流漂杵誅之鹿臺王親射紂躬懸 五虐之刑剖賢人之心刻孕婦之腹囚文王禁箕子 頭太白之旗而夷齊非之不食其栗孔子曰武盡美矣 奉孝爾時無佛足可清平何為世世與師兵戈不息至 來所道竝是三皇已下三王之時必能守道履德懷忠 有檢狁之難西有民夷之患採也又云宣王南征

一欽定四庫全書 於毒流百姓殃及無辜乃為姚石慕容永嘉之世豈名 當春秋時春仲時雖漸霸但是周之小邑孝王之世令 尚書但以甲子為次第而無年月者良以史闕不記 自殷已前諸侯不可得而譜為多失次第年代難知故 邪見乃始於秦仲迄於二世有六百餘年者一 **娈云秦起秦仲三十五世六百三十八年對曰史記云** 荡荡無為之時邪見失言一 何的證案春秋已前秦本未有春秋已來始有秦伯 何謬矣 一往似長 b

宣王之世始受車馬侍御之臣仲孫襄公以送平王東 非子放馬於汧渭之間不承天命未有正朔曾孫秦 記但從厲公列之一百一年終於二世縱有年代皆附 故隱居列之在諸國之下何因得有年紀續至胡亥史 餘年史記竹書及陶公年紀皆云秦無歷數周世陪 遷進爵為伯文公已下始見史記自茲記滅不過二百 春秋自無別紀赧王之末秦昭襄王因周儉弱始滅 借號稱王諸史相承秦惟五世四十九年齊祕書 江明集 臣 周

孫堯舜二君位居五年 堯則翼善傅聖舜亦仁盛聖 久對日夫理貴深據言資實錄何故庖犧獨治不及子 已下爰至漢高二十九代而無佛法君明臣忠國祚長 奕云帝王無佛則大治年長有佛則虐政祚短自庖犧 玠史目云秦自始封至滅凡三十五世六百餘年者盖 始封秦號經六百餘年非霸統中國經多年也邪見 延秦短祚冒上長年 一典論其化民治道功業最高民無能名則天 何虚妄哉 明

金定四库全書

麗竝止一身不能及嗣爾時無佛何不世世相傅遠早 官非食早帳鄉衣而盡力於溝洫為民治水於民有功 之明君也竟又廢兄自立其子丹朱不肖舜則父頑母 **抬皇天輔德何為天祚不永治止九年勘年紀云夏后** 巍巍乎其有成功煅焰乎其有文章大禹謨云禹能早 磨减陶隱居年紀云夏禹治九年羿篡十五年浞篡十 こここうら こいう 二年夏皐十一年夏發十一年書云舜禹之有天下也 及少康之世其臣有窮羿寒浞及風夷淮夷黃夷 廣孔明集

甲 甲 尋等國竝相次作亂凡二十六年篡夏自立當時無佛 篡逆由誰殷湯治十三年外丁治三年仲壬治四年太 冢書云伊尹自篡立後太甲潜出親殺伊尹而用其子! 征 治 治十年沃丁治十三年太戊治十年外壬治三年沃 伊尹立湯子勝又立勝弟仲壬又放太甲於桐宫 網放夏桀於鳴條之野甚有仁德爾時無佛何以 不長外丁外壬其年轉促尚書云湯行九伐太甲 四年盤庚治九年小辛治之年湯仁不殺閉三面

一部丘四月全書

墓体牛放馬治致太平汝言無佛年長何因祚短治 年元王八年烈王七年静王六年貞王八年悼王 武王治十一 **猖須臾運徙秦五世六君四十九年昭王五年** 舟應天嘉命謚法曰克定禍亂曰武民賴來蘇式問封 既稱忠朴之世爾時無佛何為釁起蕭牆君臣無道周 **见到野仙野** 年懿王僖王更復絕嗣周武滅佛壽祚更窮子孫披 日哀王三月思王五月武王伐紂師渡孟津白魚入 , 年懿王三年僖王五年頃王六年匡王六 廣孔明集 始滅 ō

東王景帝第六子非嫡漢初匈奴入塞烽火照甘泉宫 權周政竹書云自秦仲之前本無年世之紀陷公竝云 子嬰四十六日周顯王五年秦穆公始霸三十四年秦 備 非帝王以短為長指虚為實有何意見秦時北築長城 秦是篆君不依徳政次第不在五運之限縱年長遠終 五 年 位 胡偽殺扶蘇矯立二世陳勝蟻聚作亂關東漢高 年惠帝七年文帝乃高祖第四子非嫡武帝本勝 孝文王 年襄王三年始皇三十七年胡亥三 年

金牙巴尼马言

帝 霍光廢之後立宣帝此時無佛何為乃爾後漢凡十 アスこう ラーノニトラ 南越不賓乃習水戰孝景時呉楚七國皆反昭帝崩立 反政明帝致治升平民無百里之憂吏無出門之役麒 三年和帝十七年安帝十九年順帝十九年桓帝二十 兄子昌邑王即位二十七日凡有一千一百二十七罪 年靈帝三十一年獻帝三十年後漢書云光武撥亂 人囿神鳳栖桐赤雀文龜蒼烏白鹿嘉瑞備臻兆民 百九十五年光武三十三年孝明十八年章帝 黄儿明集 Í

朝所害敬王弟哀王治三月思王外哀王弟治五月思 **栾云未有佛前人民淳和世無篡逆者對曰何故問烈** 跋元魏一十七君合一百七十九年爾時佛來何故年 王弟顯王篡位四十八年悼王立一 居云自魏皇初元年至蕭齊之末凡二百八十二歲 並云後漢嘉祥不慙周夏汝言有佛祚短何故長年隱 鱼为四周全章 **胥悦慶垂沕汨磅礴之恩布通天漏泉之澤論衡等書** 百 日為庶弟子

戎盧國兵三百人渠勒國兵三百人依耐國兵三百五 孤 奕云西域胡旦末國兵三百二十人小宛國兵二百 胡國兵四十五人凡八國胡兵合有一千八百九十 人皆得紹其王業據其土地自相征伐屠戮人國況 人郁立師國兵三百三十 )哉對曰檢漢書西域傳云旦末小宛等八國竝是 唐僧尼二十萬衆共結佛法足得人心寧可不 人單相國兵四十五

王殺之孝王復殺思王三王共立一

自 公年紀年紀

E

狂鬼入 時佛法始來者對曰大唐聖朝正信君子論曰諸佛 **栾云佛來漢地有損無益入家破家入國破國漢明** 以情慮揆形同法性壽等太虚但應物現身如水中 言愚人必生異見惑亂朝野深可痛哉 葱嶺已東漢域胡國計去長安不經萬里本非天竺佛 生之地又無僧尼在中謀逆縱彼造惡何關此僧但奕 遊沒縣之 ,心外與邪說虚引往事假誇今賢達者知其浪 )妙苑住般若之真空不可以言象求不

銀定匹库全書

晉魏等書及王儉史録費長房三寶録考校普曜本行 等經竝云佛是周時第十五主莊王他九年癸巳之歲 國迦毗羅城刹利王種淨飯大王第一夫人摩耶之 至十年甲午二月八日夜鬼宿合時於嵐毗園波羅 四月八 從摩耶夫人右脇而生放大光明照三千世界瑞應 絲忽隨緣應質化無常儀尋釋迦之肇依後漢郊祀 日垂栴檀樓閣現白象形從兜率下降中天竺 樹 胎

以瞿師見三尺之貌羅漢覩丈六之容大滿虚空

遍閻浮提我此漢土九州之内竝有塔馬育王起塔之 計得一十二百二十一 世說法至周匡王四年壬子二月十五日後夜於拘 符合信知佛生時也十九出家三十成道四十九年處 欽定四庫全書 雨 經云沸星下現侍太子生本行又云虚空無雲自然而 有阿育王收佛舍利後使鬼兵散起八萬四千寶塔 左傳云星陨如雨杜氏注解云盖時無雲然與佛經 般沒樂自滅度已來至大唐武德五年壬午之歲 八 歲減後一百一十六年東天生

大夫劉向傅云向博觀史籍備覽經書每自稱曰余過 獄出之始皇衛怖稽首謝馬問曰雖有此說年紀莫 とこり巨とこう 來化始皇始皇弗從乃囚防等夜有金剛丈六人來破 皇之時有外國沙門釋利防等一十八賢者齎持佛 佛家經傳靡知所在如釋道安朱士行等經錄目云 時當此周敬王二十六年丁未歲也塔與周世經十 以何為證請陳其決答曰前漢成帝時都水使者光禄 王至秦始皇三十四年焚烧典籍育王諸塔由此淪 廣孔明集 二十四

漢已前早有佛法流行震旦也尋道安所載十二賢者 間蔵書也或云夫子宅內所蔵之書據此而論豈非 道 金岁世屋白書 亦在七十四人之數今列仙傅見有七十二人案文殊 七十四人已見佛經矣推劉向言蔵書者盖始皇時 尋太史創撰列仙圖自黃帝已下六代迄到於今得仙 尋典策往往見有佛經及著列仙傅云吾搜檢蔵書緬 利般涅槃經云佛滅度後四百五十年文殊至雪山 )者七百餘人向檢虚實定得一百四十六人又云其

洛陽有寶塔處皆發神瑞具在衆書依檢成帝鴻嘉 生盲人云有佛祚短良可悼矣依經律云釋迦正法 年歲在癸卯劉向撰列仙傅明矣故知周世佛法久 為證矣雖遭秦世勢除漢與復出所以判揚具蜀扶 山馬文殊往化仙人即其處也詳而驗之劉向所論 **嫡也其下三十六國先來屬秦漢以葱顏多雪故號** 恒星之瑞即其時也案地理志西域傳云雪山者即葱 風 可 雪

中為五百仙人宣説十二

一部經訖還歸本土入于湼槃

明證矣又漢武帝鑿昆明池得黑灰以問東方朔朔 據此而推同齊時統上法師答高麗使云佛是西周第 閩 智證四道果末法已去猶披袈裟勘周書記異云穆王 年像法千年末法萬年五千年已還四衆學者得三建 百七十七年也信穆王之世法已東行劉向之言益為 五主昭王二十四年甲寅歲生至武徳五年得一千 臣所知可問西域胡人後外國沙門竺法蘭來因 西方有佛遊乗驊船八數之馬西行求佛因以攘  $oldsymbol{L}$ 云

一分定四库全書

持 像重與發於開皇之始魏人朱士行沙門衛道安等 世東流二京所經帝王十有六代翻梵經本為漢正言 1). 1.... 無 相承至今垂六百祀是以佛日再曜起自永平之初 致今五百中國各共奉持十六大王同時起塔逮於漢 知佛法與行勝人必降故有斯對也佛既去世阿難 問不酬無言不答豈容不達逆記胡人盖是方朔 一言不失迎葉結集羅漢千人咸書皮紙並題木葉 員 12 月東 きたー 總 經

事問關云是切燒餘灰也方朔既博識通人生知傷

度聖尊何異尺鷃之笑大鵬井蛙不信滄海可謂闡提 善負山嶽之辜長惡不悛老而彌篤乃以生育之慮忖 欽定匹庫全書 國邪見賢子無角畜生夙結豺心久懷蠆毒無絲髮之 最先益國利民無能及者汝言破家破誰家破國破誰 論或大小乗三蔵雜記等凡二千一百七十一部總有 為記録總其華戎道俗合有一百八十二人所譯經律 於三有之中汲引將來永傅勝業教人捨惡行善佛法 六千四百四十六卷莫不垂甘露於四魔之境流慧日 灭

聖孰與為傳乃欲毀而滅之事難容忍傷風敗俗虧損 奕云佛法來漢無益世者對曰準上以談此土先聖亦 逆 在立試可明且據此一條足知佛法之神德也震旦 未有如佛舍利現瑞放光火燒不然砧鎚不碎於今見 皇五帝孔丘李聃漢地聖賢莫不葬骨三泉横屍九壤 可弘矣至如孔子周靈王時生敬王時卒計其在世 種地獄罪人傷而憫之故為論也尋夫七十二君三 田誑惑生民污點朝野實可歎矣 馬儿明縣 一十七 諸

鳥 雖 矣或發匏瓜之言與逝川之歎然復遜詞於季氏傷鳳 子乃俯俛順時逡巡避患難保妻子終壽百年亦無 臣姦禮崩樂壞爾時無佛何因逆亂滋甚篡弑由生 呼雖應聘諸國莫之能用當春秋之世文武道墜君暗 七十國宋伐樹衛削迹陳絕糧避桓雕之殺慙喪狗 七十餘年既是聖人必能匡弼時主何以十四年中行 門徒三千刪詩定禮亦疾沒世而名不稱吾何以 不至河不出圖及西狩獲麟遂返袂找面稱吾道窮

金定四库全書

X

茍生誣枉誑感君王請勘國史知其妄奏案前後漢 亂者對日檢崔鴻十六國春秋並無此色人出何史 即有昆陽常山青泥緑林黑山白馬黃巾赤眉等數十 法長南凉道密魏孝文時法秀太和時恵仰等竝皆反 **奕云寺饒僧衆妖孽必作如後趙沙門張光後熊沙** 也若以無利於世孔老二聖其亦病諸何為訥其木舌 而 於後世矣遭盗跖之辱被丈人之機校此而論足可 不陳彈也 籍 P

贼害天下自據漢中垂三十載後為曹公所破黃衣 士張魯母有姿色無挾鬼道往來劉馬之家馬後為益 角等相應合集部衆拉戴黃巾披道士之服數十萬 殺張修而并其衆於時假託神言黃衣當王魯因與張 殺漢中太守蘇固斷絕斜谷殺漢使者會既得漢中 州刺史任魯為督義司馬魯共別部司馬張修将兵掩 **羣賊垃是俗人不關釋子如何不論後漢書云沛** 沙門獨饒道士何點不論然漢魏名僧德 道

|欽定四庫全書

順殺曾母及宗室曾遂據漢中以思道化民符書章禁 為係師自號三師也素與劉馬善馬死子璋立以魯 陵死子衡傅業衡死魯復傳之陵為天師衡為嗣師曾 山造作道書以感百姓從受道者出米五斗世號米賊 君子乎魏志曰張魯字公旗祖父陵客蜀學道在鶴鳴 酒各領部衆衆多者名治頭有病者令首過大都與張 為中其來學者初名思卒受道者用金帛之物號為 行者衆益國甚多何以不說但能楊惡專論人短豈是 黃服黃中或殺人祠天於時賊徒數十萬衆初起頑 皆作甲子字中平元年三月五日内外俱起皆著道士 欽定四庫全書 死黃天當立歲在甲子天下大吉以白土書京邑寺門 青俆幽冀荆揚兖豫八州之民莫不心應遂置三十六 使於四方以行教化轉相誑惑十餘年間衆數十萬自 事黄老行張陵之街用符水祝法以治病遣弟子八 角相似後漢皇甫嵩傅云鉅鹿張角自稱大賢良師奉 方方猶將軍號也大方萬餘人小方六千人訛言蒼天

廣孔明集

亢九

宋已來道俗為妖數亦不少何以獨引衆僧不論儒 **背父衛权去兄** 自道家禁厭妖孽妄談吉凶姦由兹起然具魏已下晉 而減族事在晉 禁始以危具出具公旗學仙而誅家出華 陳瑞習道 思習仙而敗晉出晉 |教至如大業末年王世克李客建徳武周梁師都盧 '魏華叛夫 仙傳自陵三世專行鬼道符書章醮出 道育熊祭因而禍宋出宋 經序 張陵棄婦見陵 國 .ŧ. 于吉行 子登 道

亂天下站為皇甫嵩討滅南鄭及漢而蜀亡

俳 奕云請胡佛邪教退還西域凡是僧尼悉今歸俗者對 而 明月李軌朱粲唐弼薛舉等並是俗人曾無釋氏何為 曰莊周云六合之内聖人論而不議六合之外聖人 不道事偏理局黨惡嫉賢為臣不忠明矣 稱至徳唯是安上治民假今要道不出移風變俗 致但欲修序奏倫明忠烈孝慈之先意在敬事君父 反魯詎述解脫之言六府九疇未宣究竟之古及養 不論老子云域中有四大而道居其 考詩書禮樂 存 自

欽定四庫全書

|藝文志所紀衆書一萬三千二百六十九卷莫不功在 流浩汗為煩惱之場六趣諠譁造塵勞之業也原夫實 經丘而未晓故知逍遥一 未入空空之境斯乃六合之寰塊五常之俗譽詎免四 之表者矣遂使當現因果理涉旦而猶昏業報吉凶義 近益但未暢遠途皆自局於一生之内非廻抜於三世 刪經讃象肆闕里之文次曰九流末云七略案前漢 部猶迷有有之情道德二篇

生齊物之談龍圖鳳紀之說亦可懷仁抱信遵属鄉之

雲 從後左輔密迹 则 則大也而 相 金蓮棒足坐則寶座承驅 見生穢土誕聖王宫示金色之身吐玉毫之 香冥逾要道之要法身凝寂出玄之又玄惟我大 於院檢則火宅欲銷扇慧風於雞峯則幽途霧卷行 斯妙覺二邊頓遣萬德俱融不這不寂安能以境 非與非昧胡可以形名取為 無外故能量法界而與悲揆虚空而立誓所 以滅惡為功右 出則帝釋居前入則 小則小 鈣 金剛以長善為務聲 也而無内處大 相布 梵 師 智

欽定四庫全書

归明

干

迦葉 鼓暫鳴則天魔稽首是故號佛為法王也豈得與哀 **六動說般若則天雨四華百福莊嚴狀滿月之臨滄 聞菩薩儼若侍臣八部萬靈森然胡衛演沒縣則地現** 下獨稱調御之尊三千大千咸仰慈悲之 速假筌蹄而後悟教門善巧憑師 光照雅插聚日之映寶山師子一 ) 比他争衡末世儒童朝 四十 十地之文祇園鹿苑之 相縣 類者矣是以天上 叩則 友而方通統其 )澤然而 外道推 談海 理 海 周

界福田盖是蒼生歸處於時敬信之侶猶七曜之環北 於百王扇玄風於萬古如語實語不思議也近則安 龍宫之旨玉課金書之字七處八會之言莫不垂至道 先音形之奉東國暫見聞之益及慈雲卷潤慧日收光 哉不可測也但以時運未融遂今梵漢殊感所以西方 利民遠則超凡證聖故能形遍六道教滿十方實為世 辰受化之徒如萬川之投巨海考其神變功業利益 故無得而名也既滿恒沙之因故得常樂之果善矣 國

|欽定四庫全書

齊梁之政像教勃與熊泰晉宋已來名僧間出或畫滿 並鶩雖居紫極情契汾陽屏酒正而撤饔人熏戒香而 來儀碩學高僧蟬縣遠至暨梁武之世三教連衡五 盛渭水備逍遥之苑廬岳總般若之臺深文與旨發越 月於清臺之側表相輪於雅門之外逮河北翻辭漢 廼夢金人於水平之年覩舍利於赤烏之歲於是漢魏 味法喜恐四流而難拔躬上辯以能持乃輕家師而 著録道興三輔信洽九州跨江左而彌殷歷金陵而 氮儿明 二十三 轉 乗 南

染衣 與京案三十六國春秋萬僧名僧年子等紀傅始後漢 水平十年已來佛法東 世所 迴 向五體歸依利物之深其來久矣孔老垂化安 南 也遂 尊敬者凡二百五十七人 記 雕輦 入道自皇王所 僧 **尼講衆** 令 而敷草座於時廣 五都豪族厭冠冕而歸 府 常 居之土聲教所覃之城其不 流政經十代 有 在 萬位 討 創慧臺之業大啓寶塔 傍出附見者及蘇趙 論餘 年 年将六 内 典都 依四海名家 邑 共 遵 百名僧 大 聖寺 業上 能 頂 孜百

飲定匹库全書

見 例 例高僧皆徳効四依功備三業法傅震旦實所賴馬邪 石鄧林損其一枝耳復何可怪之哉 有毒草大海之中既有明珠亦饒羅刹喻崑嶽缺於片 六日遺身七日誦經八日與福九日與師十日唱導此 王公齊梁卿相等凡二百五十一人陳其行業大開十 隱而不論但說五三惡者夫雪山之内本多甘露 日譯經二日義解三日神異四日習禅五日明律 亦

飲定匹庫全書 **▼** 廣弘明集卷十

普覆而平均數善教以訓民布慈心而育物速乎中古 欽定四庫全書 其道弗虧故漢武欽明見善而弗及顯宗春哲體道而 明縣言縣聞三皇統天五帝御寓道含弘而遠大德 居遂能紆屈尊儀甘泉禮金人之瑞翹想夢寐德陽 廣弘明集卷十二 決對傅实廢佛僧事并表 唐 釋道宣 釋明槩 撰

西域入寺南越歸仁偃革休兵銷金罷刃豈不由感聖 **欽定四庫全書** 湛露疑甘澤馬騰釀神雀鄉集朱英吐合題之秀紫龍 闡佛法照化愚矇故得永平季年嘉瑞臻集慶雲流潤 落仞涌法水於窮源驅有識於福林登蒼生於善地開 降銅像之徵於是素景西遊越流沙而訪道摩騰東入 世利建青龍之名其間盛寫尊儀競崇寺塔騰慧雲於 跨葱筍而傳真遂得化漸漢朝寺與白馬之號道流晉 生連理之枝可謂不世之奇後非常之嘉瑞者也於是

成馬事亦畢矣加以留心佛法眷言匡護故莊嚴總持 七寶而飛行其干輪而輕舉巍巍弗與蕩鴻誰名功既 都建德武周概身於北朔荆吳剋定春隴廓清方應駕 道叶百靈始登圖則威加萬國故世克化及授首於東 詳惟我大唐膺期啟運握機御思誕命建家初起義則 降靈奉戒行善精誠昭著貫達幽明者哉故書云天生 とこう ニュニー 再與九級沙門釋子更度千人像化彌威於前朝寺塔 神物以祚聖人無德斯隱有道則見著之惇史可得而 廣江明集

加長違理悖情 道士惡好居懷故毀聖为凡讚愚勝智以下誇上用 聖利口商賢出語醜於東音發聲毒於鳩響專欲破滅 五體用報罔極之恩而英忽肆在言上聞朝聽輕辭 願息心淨利畢志玄門懷厲六時以酬聖世之德翹勤 之貴飲心屈膝盡至敬之誠縣自慶遭逢屬此嘉運方 更與於聖世方項戴三寳弘護四依合掌低頭忘帝王 法毀廢衆僧割斷衣糧減省寺塔其故何也实曾 一至於此但讒言害德偏聽傷賢故宋 巻十二 短

多分四届全書

照遊翳拂日陽精為之不明而傅奕浮辭迷於視聽情 容聽愿縱其三至寧致一 受于罕之言囚於墨翟魯信季孫之說逐於尼丘二子 甚 分甘縣香在腦徒預參法侶忽聞誹該寧不深傷縱廻 理眩感言語混淆弗可專聽宣應偏信請共決對存毀 之賢弗能自免八條之藹或累於人然後主上欽明弗 刃刳心未以為痛抽刀斮髓詎以為殘詢龍之深傷酷 此經云亡身護法没命弘道此其時也方抽腸瀝膽 Ĭ 題と月ま 疑但浮雲在天白日有時

多定匹库全書 至理絕言本出毀譽之外玄宗離就實超語默之端然 物情不悟寄言深淺世道多感假示精麤故有內外道 用驚惶謹言 以詢佛終趣極果不封之以謬真譬干川之赴滄溟 邪逆之仇讎申表獻誠雪師父之尚辱冒昧忤聽 犯正說異凡聖位别大小教分若以同會 決破僧尼六十已還簡令作丁兵強農勸事縣聞 謹奏決破傅奕詢佛毀僧事八條列之如左 乘宣執 追

**圓思念無量當願一切普入法門又靈寶洞玄真** 輪云若見沙門思念無量願早出身以習佛真若見佛 萬流之歸巨海內外明證宣虚言哉故法華言於諸過 同签首執異端自貽迷墜近代學者率意庸愚偷竊直 在同得佛道故知不二妙門終須齊入唯 去佛現在或滅度若有聞法者無一 **石眾真高仙已得佛道又靈寶太上秘要經云各於現** 切衆生皆有佛性究竟皆當成得佛道又道家法 魔红狗侠 一不成佛又涅槃經 一極果要必

戒指佛受法改作天尊動行作 數亦眾多略舉二三不可願樓但傅奕曾為道士身 米賊聚飲無端名稱鬼卒叽咀寧尼湯沐 黄衣不尊孝老無為之風事行張陵兵吏之法或身為 贼竊孤蹇而反披有類愚夫盜珠瓔而倒著如斯條 言安置偽典故五道輪轉託作仙經三干威儀假稱道 本相佛言題作道言橫託佛法之威儀做習衆僧之法 式或持真當偽証識是非飜正入邪豈知顛倒事同癡 佛 轉為金闕本行週為 梳櫛與俗 胧

一部分四母全書

卷十二

同耽荒爱慾将世何别加以内懷旗意外肆任言誹謫 達離父母非忠孝者今之道士戴情冠中應拜時君在 家侍養為忠孝不今既不然宣獨偏責夫論忠者事君 紛紜罵詈重疊此而可忍孰不可容今依事條次第決 安直諫以輔秦佛圖忠言以匡趙目連捧鉢而飼母釋 以盡命徇義以忘身孝者奉親竭誠存没以資濟故道 破願垂聖鑒少詳覽馬奕言衆僧剃髮染衣不謁帝王 こうし 迦擔棺而葬親寧國齊家宣非忠孝也不如道士張會 ... 難と月集 E,

類禀如來之教食唯米 輕之素 供唯芋弱之質體齊力 一金 四 本 全 書 接受道應護胎生子順理合天此則伉儷久成陰陽本 而滅 亂於漢朝孫恩反於晉國陳瑞習道而夷族公旗學仙 口添足兵丁豈非益國利民者乎又言僧有十萬六十 合而無産孕真是天胎宜簡令作民使其養子增加户 )還簡令作丁則兵強農勸者夫論兵強者尋衆僧 外隔天胎殺于違禮逆天者今道士既含氣修齋交 門亂國破家宣有忠孝也又言衆僧仇疋內通衣

贏心虚氣弱不折生草詐踐蜫蟲習忍修慈好生惡殺 勢若校其力則道士強論其德衆僧勝去取之宜斷 無親惡生好殺臨陣必勇下手不疑列以軍伍決強兵 求酒脯嚼膾醑醪恣其醉飽體肥力壮心勇氣強安忍 對敵多怯下手必疑徒勞行陣無益兵勢也如論道士 人足數萬祭三事五受禁行符章奏必宰雞肫祭醮要 しょうかい ノ・エル 夫俗不可以一禮齊政不可以一道治士不可以 知矣若言躬耕力作以為農勸者此由局見未是通途 廣江明集 可

安其居而樂其業故得財成天地之宜用資國家之利 取民不可以 此 酌州 今者聚僧亦各有業論其内以慈忍推心即是士之 相 雜處士相與言仁義於閒宴工相與議伎巧於官府商 則克誠可以感鬼神唯德能以動天地運慈心以降 與語財利於市井農相與議稼穑於田野此 即是商之市井語其道以自他兼濟即是農之力田 語其外權巧化物即是工之伎能該其行以施報相 業成故漢書貨殖部云古之四民不得 四者

銀分四

屈全書

澤布恩惠以潤時故善政者驟雨随車飛蝦避境雕麥 逆在悖無道已有此論朝議不從云沙門釋子則髮染 **雙稜成禾九裁益由善政之功匪唯 敷農之力者矣又** 辱三尊飘荡七廟民怨神怒衆叛親離軍敗於東陵身 深既自落坑引他墜井欲令同陷其可得乎昔桓玄篡 言欲今衆僧拜謁帝王編於朝典者此之一見迷倒最 衣許其方外之人不拘城中之禮故袈裟偏袒非朝宗 服鉢盂錫杖豈廊廟之器而玄悖逆固執不悛既屈 1.11 魔弘明集

疇能彈紀加以内懷四信外奉三尊屈乗舉而歸依降 喪於西浦覆車明鑒孰不誠哉我大唐皇帝命 冕旒而迥向故得、 令備在家之禮今道士披褐熱板戴帽冠巾既服臣吏 以訓民垂至仁以育物年和歲稔氣阜時昌至徳女功 應体明之期當會昌之運止途息炭拔溺濟沈弘聖教 須跪卿相宜合道士智其師法朝謁帝王參拜官長 衣須行朝謁之禮昔天師貴士尚拜帝王今鬼卒 八方稽顏萬國朝風豈責離俗之

銀灯四月全書

観寧不 者殺之今者道士不著李老參朝之服乃披張魯亂 道士左道亂朝妖言犯國者披閱圖史何世而無後漢 編於朝典不亦宜乎論言案漢魏已來時經九代其 徒衆誑誘愚民謀危社稷尋被誅滅故禮云左道亂產 獻帝張陵張魯許說思語假作識書云漢祚滅後黄 衣師弟相承賊行不改人 不必與鉅鹿張角遠為外應造黃中披黃帔聚合 不備預計數有五萬簡令作 覧 と 月 集 人數既多共結賊黨或致 丁年稅貲租歲產

遣徒眾肅清豈不善數 權分碎質流子阿育之龍故能聚散隨緣存亡任物理 **槩聞法身無象應物有方故假現全身置于多實之** 第二決破寺作草堂王舍則泰皇漢武為有徳之君者 女則利國益民兵殭農勸如縣愚見其如法者遵而奉 必起塔塔即是廟廟者貌也祭祀承事如貌存馬今之 刀權變不可思議但佛生天竺隨其土風葬必闍維收 其建禁者廢而使之庶莠秤 除田苗鬱茂姦邪既

欽定匹庫全書

僧會稽請丹誠至而忽臨孫權驗武砧砲陷而彌固 管測大海尺寸量虚空其可得乎合利東流吳王創感 人力自是神功豈以凡夫之情而疑聖賢之事何異斗 萬四千之塔不日而成千柱百梁之堂匪朝而就非勞 國家宗廟社稷類皆然也但如來減度 會時成躍廣讚威靈爰及朝臣聞皆信伏即 伽王鐵輪御世以威德使鬼神修相力與靈廟故 一徹照灼斧展之間簽彩傍通鬱映嚴郁 夷と男は 百年後有 PO

欽定匹庫全書 詐聞佛有舍利公 無舍利天師體葬於蛇腹部有遺身靡所依憑便生妖 **都浮圖若心刺專謀破毀徒懷** 骨理勝在豕之陰佛圖胡冢寧同老鬼之廟豈可以高 置伽藍緣是江左大弘佛事豈若太上骨朽於關中別 下相况等級寄言故今道士見舍利如眼梗菲肯歸 卵绒仙卵 主者並風種善根多懷正信傾珍造塔撤實崇 本在豕之陰玄壇乃老鬼之廟若言舍利 斜 用表遺身逐畜小石二枚以代 卷十二十 邪惡其可得乎應代

成長者絲繩天堂即現因果之道斯理皎然闇識之徒 盡莊嚴式構百梁窮其壯麗致使貧人捧真則梵官立 真皆欲伸其追遠之誠致其如在之敬故繕與九級備 內唯王震旦五種王中栗散王也斯乃德多而居勝 王威德最为二鐵輪王治閻浮提三銅輪王兼二天 四銀輪王化三天下五金輪王統四天下此之五王 ころいろ とこ 其位上下不同語其德勝为有異推秦皇漢武閻浮提 能悟矣論言案仁王經世間帝王有其五種一栗 廣弘明集

銀好四月全書 **憤責民庶呼嗟故史官貶之以為無道又身没之後盛** 自有帝王喜拾靈神影助滅度之後為與塔廟舍利 年代寂寥威福何在我釋迦應世德位獨高道冠百靈 造墳陵費損萬金勞役百姓於是骨肉消散靈影滅無 位甲而處高臺不以恩惠感人專以鞭撻使物致神 居勝殿位極而處高臺唯以德化感人不用鞭撻使物 王之上豈伊秦皇漢武而校其優为者哉佛則德高而 神超萬億聖中極聖德過千聖之前王中法王位居百 祇

即患陰痛苦毒難堪太史占之云犯大神遍禱靈祇都 皓奢淫苛虐不忌罪福言無報應掘得銅像令置厠前 滅威靈尚存毀之止見惡徵破之眼看致禍故吳主孫 欠定四事 八書 先無誠信云寺塔不宜在城令毀而出之於是自領軍 謝晦月臨荆州城內有五層寺寺有舍利塔晦性凶悖 無降異後聞說佛方乃驚惶自慨前過即遣迎像香湯 至四月八日小便像頭云今八日以灌爾項須更之間 沐浴叩頭謝過應聲即愈緣是生信戒懼終身又宋臣 廣弘明集

省之 老棄世止尚虚無在世之時全無館含今之奢競請宜 疏 不久叛逆尋被誅滅此事並如宋宜驗記說略依記傳 撞擊龍門破斫尊像俄而雲霧層地風塵漲天晦及軍 **士直至塔前衆皆戰慄莫取舉手晦遂嚴鼓駈逼軍** 人身家灰土以手拭之皮肉隨落遂成惡疾遍身癩瘡 共尊崇在昔之時已有寺塔今之造者請而存之李 此事條示諸未悟曉其心目耳如縣愚見釋迦應世 卷十

昔明王恭已南面智擬天地不自慮也辯雕萬物不自 而邇安定成功制禮而作樂斯為至治可得而稱故 說也何則勞於求士逸於驅使之任役得其人天下 云治國以安民為基安民以良吏為本若得其人 化緩賦而恤貧行至仁之教省刑而慎獄敷德澤遠 治故訪道宣室思政明堂揆務分司公方授職、 亂當朝用能保又國家克寧社稷於是弘慈悲之 一決破諸州及縣減省寺塔則民安國治者縣聞在 入則 惟並 自

塔廢廟併寺逐僧靈祇為徵禍福須慎而奕凶悖專 然煩崇善建福樹果修因敬事神明承奉靈朝豈可毀 欲輕毀其可得也自漢明感夢寺與白馬之名孫權 威靈雨旱祇誠片致恩福況佛神儀嶷爾靈相儼然而 以稱君累土成壇東茅纂而為飾至於急危求請微有 在言聖朝明鑒理無致惑論言竊見標樹為社立縣 人則民亂故知忠臣良吏可以治國安民者也 初之號自斯厥後相係而與向若神道限

飲定四庫全書

館之 沛 市 四氣祭二十四山遂王有天下陵不度徳遂構此謀 臨故使歸依廻向未若道家都無承據李老事問之 牛祭祀二十四所置以土壇戴以草屋稱二十四治治 未有玄壇張陵謀漢之長方與觀舍故後漢順帝 王豈應敬事威靈歇滅國主寧復遵承並以目驗 張陵客遊蜀土聞古老相傳云昔漢高祖應二 )與始乎此也二十三所在於蜀地尹喜 於是誰誘愚民招合山黨飲租稅米謀為亂階時 中 有 旬 Ð

遣 陳瑞以左道感衆自號天師徒附數千積有歲月為益 順帝中平元年鉅鹿人張角自稱黄天部師有三十六 操誅滅自爾迄今羣孽相係依託治館恒作妖邪故漢 被蛇吞逆釁弗作至孫張魯禍亂方與起於漢中為曹 州刺史王濬誅滅又晉文帝太和元年彭城道士盧悚 將皆者黃布中速與張魯相應聚至十萬焚燒新城漢 自號大道祭酒以邪術感衆聚合徒黨向晨攻廣漢 河南尹何進將兵討滅又晉武帝咸寧二年為道 卷十二月

欽定四庫全書

**童二人在崩漢館自稱得聖部感人民重狀至屋却坐** 尋被戮滅至隋開皇十年綿州昌隆縣道士浦童與左 感蜀王令與惡逆云欲建大事須藉勝緣遂教尚王 姦匿如此經月計所姦女出數百人後事發覺因逐逃 其上云十五童女方堪受法令女登界以幕圍繞遂便 帝大同五年道士表於妖言惑衆行禁步尚官軍收掩 七又開皇十八年 盆州道士韓 朗綿州道士黄儒林 弱 云迎海西公殿中桓松等覺知與戰尋並就斬又梁武 しこうえ シド 高江川其 ħ

語領納通傳入間則噎氣小聲許說禍福遂今正直 **呪而厭之河北公趙仲卿檢察得實送身京省被問 穴幽闇人莫敢窺望乃依憑以作妖許在明則張喉** 道士浦子真微問道術被送東京至深漢身死因葬在 州昌隆縣民李望先事黃老恒作妖邪去人業季年 倉竭庫造千尺道像建千日大齊畫先市形反縛頭手 而李望獨假云子真近還又彼縣山側有 出市被刑今大唐革命妖感尚與以去武德三年 石室巖

多成四月全書

官人 心唯巴西縣合樂世質深達機情知其誰詐 ... 見望咽聲質時呵之望即款伏收禁州獄方欲科罪 雜好任彼所須同至窟前再拜祈請望時許答聞者 越 經數日服藥而終獎編尋圖史博完古今記傳所聞 百餘騎同乗鞍馬競飾衣巾 幾致廻向那曲 奏要假親驗方定是非遂與圖州官人并道士等 人初檢並皆信受後刺史李大禮云此事非輕必須 愚夫理宜尋信道士傳說達縣聞州 **興 江 月 集** 多料祭盤倍科熊物酒 Ł 闇密侯 脯

**殘賤可謂止暴息亂豈非治國安民者乎** 第四決破僧尼衣布省齊則鑑無横死貧人不饑點聞 照覽宜簡除之如縣 愚見若行李老清虚之道依而存 目所見左道亂政世有其人略出五三以為鑒誠願垂 衣食不可過費行康恥以節之故遺教經云比丘受 報所恃依形神以存立形神不可孤立藉衣食以資 稟和合之氣成虚假之身外命所須藉衣食以資養內 )若智張陵雜穢之法紅而廢之此 則荡彼妖邪去

欽定匹庫全書

之以急使其頓修下則授之以寬令其漸進上制急者 行但如來制戒對根不同人有上下制有寬急上則 趣得支身又言著壞色衣以捨飾好斯為明訓熟不遵 此 身兼凍餘沈痾之士體困饑寒須給以衣裘資以樂 日唯一食食止菜蔬身止三衣衣唯糞掃下制寬者食 許兩時味通酥乳衣開十長服許續綿或有老病之 道欲今 則上根不假聚具自爾證真下輩要籍資緣方得悟 准其可得乎若節僧尼衣布省齊濟貧活繭 しとうし 1 僧 制

欽定四庫全書 李道士盟經先受十戒次八十戒後 見宜 及應拍干軍之食殺萬億之蠶而实知道士損多楊 十口殺姓十萬者計道士一醮 者計僧尼一齊止餐一針 民物若縱而不禁損國害民聖 不計僧尼費少子細編論此全黨言君子弗聽如縣愚 百大戒乃至坐起即息三干威儀皆云秘要不妄授 斷道士雕祭及以命綾此則有益於國家不損 者唯衣数練而言損田 上欽明寧不鑒照論言 酒 脯百盤一年命綾千 一百八十戒及三 夫 凝 於

而畜婦養兒還成破戒此則公行色欲竟不知慙故違 遵用而建首不行專事達犯何者戴巾執板似欲依經 又消魔智慧經言見人妻于願出爱街道士稟承理應 所施行又依老子金丹之經真人內朝之律朔望之 初之一戒既破不持後之三千理廢無用符錄科禁何 行淫而無恥多飲鹹水忘失思微縱恣六情違犯十戒 經戒寧應有愧何異難雀對户交欲而無羞狗豕當衢 Ĭ ---青江月 集

尋靈寶智慧上品十戒創首即言不色不欲心無放荡

成男女道合以斯修道道不可修以此出家家寧可出 欽定匹庫全書 慈悲拔獄即是該囚天師行禁殺怨應為斬士然佛 巫 **伎實足權奇不同祭酒亂朝凝無智慧天師此強部有** 侍師私房情意相親男女交接使四目二鼻上下相當 自施非許誘而預財報德出心豈追愶而取物若觀音 顛倒述感何其甚哉又言佛是點兒理豐智慧觀音戲 口兩舌彼此相對陰陽既接精氣遂通此則夫婦 通夫免禁釋囚諸佛大慈拔苦除害觀音至行祈恩

次已日年上 第五決破斷僧尼賜貯則百姓豐滿將士皆富縣聞 心情者使驚怖失命此真世俗之惡神人間之殺鬼也 善則勸聞惡則憐慈悲平等怨親無二老子亦言其善 其邪偽也 正言乃是張废邪法妖感誰詐損國害民請宜禁斷息 者吾亦善之其不善者吾亦善之不如天師事五将 如緊愚見今時道士堂炭合氣禁咒章符此並非李老 神四司九府受呪咀之法行禁厭之符怨者令顛狂失 廣弘明集

事無復經管之憂乞士任緣寧有藏積之累老子云多 藏必亡又周禮云積而能散積而能散則行合檀那多 大覺行以少欲標先五比丘名以乞士為最故少欲省 藏必亡則言符聖古尋老子行無為之道專任清虚修 內須轧腊雜血便吞酒使清醇半糟即獸饕餮難滿縱 以侍客遂使監齊分內事等庖丁觀主典維還如屠 寂靜之心弗 管世務然今道士都不遵承故二錄大務 三元慶會招合愚黨誘莊述徒設厨食以邀賔置酒鮭

金り世屋

恣無厭加以多料納綾以為命經廣科乘麥持作道租 伤 隋帝之時春孝王兒拾位出家修行佛法未曾聞一帝 以徒衆甲末人品凡庸故出家沙門多是貴勝在觀道 知滿極至於高門仕族判不歸從下姓田夫偏來凑集 王施身入觀未曾見一王子出家事道自餘高門士族 士例是甲微故梁武市签祚之後施身入寺供養東僧 非是崇其道法直為貪其酒鮭猥雜繁多弗可彈述加 此與生積聚盈庫因斯番轉貼貯連倉溪壑之心寧

大王日和 在日

廣弘明集

貴勝豪家或有夫婦相解俱時離俗男女相勘同共出 任治鑄後遭事逃避餓死人家又寧稟離王侍婢有娘 占通貧而餓死帝曰能富在我何謂貧乎與之銅山專 吉凶懸之於天以此言之軍民業貧者與之而弗得必 妍醜弗可換身故經云果報好惡定之於業書云命相 者夫論貧富皆是業緣貴賤並關運命愚智不可易慮 家目見耳聞何待言說若言斷僧足點貯今軍民富足 相富者任置而恒豐故漢文帝以夢而寵鄧通相者

金少口

とこうしたという 亡矣武丁恐懼側身修善桑穀枯死般道中與豈非 據理彌益其深迷且依書指事以開其淺識何者昔武 **謬作善得福為惡受殃斯理皎然如何致感今若引經** 於冥兆終然不變弗可與奪也論言案經所明業果不 欄則馬乳而得不死卒為夫餘之王故知業緣命運定 從天來故我有娠及子之産王謂不祥捐圈則猪噓棄 相者占之貴而當王王曰非我之角便欲殺之婢曰氣 了之時毫有桑穀共生于朝太史占曰野草生朝朝其 **廣弘明**樣 Ŧ

並經籍明證何可致疑又言禮佛不得尊豪設齊不得 豈非為惡之有殃也如实所言將生時之實貨買死後 富貴者尋國家太朝先皇之靈百神陪侍萬民恃賴至 眼見春時種殖空竭倉儲秋收冬藏充物府庫故施有 曰以小生大國家必昌帝平驕暴不修善政殷國遂亡 善而有福也又帝辛之時有崔生烏在城之隅太史占 來報感胎戲之與掌錢德必現酬致街珠之與負鹿此 之虚名意謂生時布施死後無報愚聞之甚矣可與言

金万四月在津

禮於左師與子產左師曰夫禮者天之經地之義民 尚得扶輪相報今 富貴況佛法王威神高速德過 大工り見 **士智此成規禁私開衆漸學佛法故春秋云齊桓公問** 誠理當富貴歸依怨至必致尊豪昔人 尊拜跪故得居大位而處尊名臣吏鞠躬荷寵靈而享 而言理無致惑如縣所見賜貯有二 一則是私如來久制此開東禁私大聖明訓宜令道 という 齊以供大聖寧無福禄相酬科 **ر 我 明 集** 千聖道冠百靈禮拜 則是聚佛尸 瓢以溶餒 于 頻

第六決破帝王無佛則大治年長有佛則虐政祚短槩 淳風将澆至徳云東正氣斯於於是五濁鼎沸三災荒 聞中國者三千日月萬二千天地之中央也故有輪 行也大國用之小國智之今道智於佛類同此也 起十六大國各擅尊名八十聚落咸據封域競尋戈剱 平等之化和怨以睦親扇慈悲之風勝殘而去殺故 不威不怒物以之行不役不勞民以之治自大劫將邁 出聖主繼與御七寶而王四天行十善而被萬國開

金岁正是

谷十二

弊皆欲令止澆息競返素還淳比於釋迎其終 書契未作民澆俗偽典籍方與故周公不出於上皇孔 沈狗陳經教勸吾以誘賢制戒律禁惡以懲罪皆令息 虐政祚短不得事佛像不得讀佛經者科類而言帝 見言帝王未有佛法之前則大治年長有佛法之後 子唯生於下代制禮作樂尊俗訓民致治與風匡時救 妄歸真還源返本比乎中原之地上古之初世朴時淳 事廢與彼此貪殘更相屠害故釋她愍斯塗炭哀其 1.1.1 與 化 明 集 Ī

亦不得祭周孔神行周孔教理宣然乎但無佛無法 未有周孔之前則天治年長有周孔之後則虐政祚 不知遠惡以修善無禮無教世不識事君以養親以 篡君驗爽此言知其庸聞雖引圖史弗究始終編尋 嗣父臣不篡君從漢明已後為有佛法子弗嗣父臣多 尋奕所引自後漢光武已前無佛法則祚久長年子必 而推禮教不可 已來為帝王者或一身而絕或累世而亡如帝擊少 日而虧佛法宣得暫時而廢也論言 升 短

i

多定匹库全書

**とこう**5 法虐政祚短至於宇文既破滅佛法應善政祚長而实 殺二世臣殺君也至前漢吕后亂朝王莽篡政此宣有 复君如昇之與寒災或為弟而奪兄如仲壬之與雍尸 佛法使之然也若言自漢明已後迄乎蕭齊皆為崇佛 臭治政繁雜九黎作亂其嗣不肖一世即亡帝 擊亦無 至子周世子朝之逐敬王子廢父也暨乎秦室趙高之 身絕滅夏樂殷紂並皆暴虐為臣所誅其間或為臣而 正嗣治不滿春一身而滅自後唐堯處婢子皆不肖 1.LL 魔弘明集

盡蕭齊則論至宇文不說非但許感民無亦乃數問聖 我反正 **護道法詢毀佛僧唯事偏辭竟無正語聖朝明鑒堅** 朝以此而論事合絕劾但宇文篡魏而立虐政無道君 須慎機密無得妄言故古者聖人當言而懼簽言而憂 政祚長近代同知寧不信也但奕太史之官委任處重 而变不慮禍福專事妖邪或置後引初或隱首露尾藏 臣猜貳兄弟相誅陵蔑聖賢毀破佛法治唯五主二十 四年推此一條。帝王無佛法則虐政祚短有佛法則善

第七決破封周孔之教送與西域而胡必不肯行用緊 樹善修功慈育羣民勝殘去殺明死生之分守止足之 聞仲尼逝而微言絕弟子喪而大義垂自爾詩書紛然 百之祚悠長故淮南子曰夫天下有貴而非位勢有壽 心納忠諫之言遠佐韶之說如此則三十之期自遠七 嚴適情知足則貴矣明死生之分則壽矣 (減典籍散亡漢武丰與文藝還聞至 -欲得祚久年長者必須興隆佛

察武如緊愚見帝主

|者葢出於司徒之官辨陰陽明教化宗堯舜師仲尼有 學之宗弘文藝之術與邦制治尊俗訓民禮樂稱修憲 章攸序九流之内儒學之流也故漢書藝文志云儒流 棄身名九流之中則道家之流也故漢書藝文志云道 謙挹為德甲弱為心專任清虚杜絕仁義務仔嘉通委 流者益出於史官思記成敗古今之道有三十七家今 處大庭之館居玄宮之室習無為之道行不言之教以 之李老益一家耳至於建康莊之第築碣石之官闡儒

欽定四庫全書

卷十二月

唱而建俗不可以救弊儒街乃教化之談而順民可以 經云摩訶迎葉化為老子迎葉既是小心老子又無大 心無廣濟行闕兼他片同聲聞之自利也故清淨法行 尊物考而言之非無優降尋李老專任無為止求自度 内兩學為先用各有宜弗可廢也何者道法是虚無 志法行之言信而非謬也孔子以析藝訓 智利他漸學兼濟片同菩薩之利他也故清淨 一家今儒學所傳也九流之中二化為最百家 見と月上 Ē 禮教齊

**欽定四庫全書** 矣。孕 經云儒童菩薩化作孔丘儒童既是大心孔丘復有 意豈不云胡教來此漢人亦不得受科類而言升 今周孔少聖徳局一方不能遠 感民無歸心故遣使西行遠到天竺摩騰隨至傳化記 致終 佛是大聖化滿十方速降威靈漢明親覩君臣於 無緣生信亦不 若言封周孔之教送與西域而胡必不行 說理豈虚哉考乎李典爰及孔經教迹乃 **遠此迎周孔之經為此禮教** 威靈使彼親感故 烽 西

次定四東 公里 東漸自摩騰降漢創譯真言及多人情盛縱釋典滕皮 其化迹丙子星散漢冊記其威靈然後像教西移法流 行西土以此而推抑可知矣論言尋辛卯夜明魯史傳 厨十分而未盡驚山法藏萬倍而何窮今之所飜蓋 演迄至于今從漢明以來時經一十五代譯人一百九 貝葉遠傳天竺之文玉牒金棧近極震旦之語爾來流 十有六所出經律記論二十一百四十五部合有六千 百五十二卷此並梵音所演天竺所傳論其龍窟經 廣弘明集 支

到洛陽傾國歌崇率土歸向信等內懷惡嫉求欲校量 善信等六百九十人聞攝摩騰竺法蘭等将佛經像來 孝老清虚自守之道自餘三十家七百一十一篇乃明帝 道家所注經籍昔無今有真少偽多如藝文志明於道 十四年正月一日朝正之次五嶽十八觀諸山道士褚 流雖有三十七家七百九十三篇唯七家八十二篇明 王治化古今之道故後漢書法本內傳云漢明帝永平 少多耳考其帝代尋其圖史典語明據奚可致疑編尋 たとりし 盡將道家經書合三十七部七百四十四卷當時對燒 增加妄造不可承信爰至宋朝道士陸修靜答宋明帝 盡道經唯五百九卷是天尊道君所說餘二百三十五 道家經書只有三十七部七百四十四卷雖有多軸非 並皆焚燼善信等慚憤感激而死以此而推漢明之 此為正餘者並非而今道士或出情製造或改換佛經 云道家經書并樂方符圖總有一千二百二十、 卷乃黄老等諸子之書自爾已來過此數者並是道十 **赝弘明集** 時

陳縱使說經應有處所為是何帝何時何年何月如必 張泮所造化胡經王浮所製或取盤古之傳或取諸 有據容得流傳如其許妄理合刊削又俗士所製 浪言請問道士後出之經為是天尊更說為是老子前 添足目録增加部表云有二十四十卷復過前數幾許 王嶷所製指歸經嚴君平造三皇經鮑靜所製開天 經此之流類數亦多矣如太玄經揚雄所造洞玄經 假認俗書以為道教偷竊釋典持作老經前已略 經

金月世月月十十

第八決破統論佛法虚多實少道人假說獎聞真身絕 自餘諸部皆是妄認事須正之底知道與佛殊李將釋 **錫芥為美食如縣所見老子二篇正是道經依今行** 陳不能重述似貧人聲審盜他寶為家財機者因躬敢 句頓亡百非洞遣窮言極慮物莫能名者哉但安識悠 哉蕩蕩中大道之外妙矣哉超絕乎真一之表於是四 待非形方質礙可求至理出情宣言談語論可得大矣 ... 則使鼠璞不濫雉鳳條分後學之徒宣應認數 /. LI. 廣江明展 Ī

三皇五帝孔李周莊皆是菩薩化身所收文字圖書詩 聲菩薩化為伏義吉祥菩薩化作女媧儒童應化作 散 身滿於法界無說示說說過乎大干故有微塵化身 慈志存拯拔於是開五乘之迹通四辯之音非身現身 丘迦葉化為孝老妙德記身開士能儒誕孕國師又沒 悠迷情蠢蠢縱四狂而弗惺耽五醉而長昏故大聖垂 經云所有經書記論伎藝文章皆是佛法以此而推 而其盡恒沙法藏流演而無窮故須彌圖經云寶應

**剑穴四屏全建** 

巻十二

深理述於業報弗矜身後唯計眼前若言欲求 執言謬理視化迷真專以形迹見識名器相局將泥 名以悟實無名無實悟者所以豁虚非像非真造 真非真而立像為今因像以悟真非實以施名為今因 聖非即聖人故佛有覺名假名非實佛有形像假像非 以玄會妙哉斯言之至也深矣斯理之極也而实閣 以毁聖持鐫畫以難真然鐫畫代真寧是真佛泥木表 ? 7 5 下禮樂並是諸佛法藏所攝文理昭然豈為虚妄而奕 1:11 南貴唯

桑麻積聚爛糞不須寫涅槃干部誦法華百遍以祈福 富貴今者何在若言欲得布約豐饒殼米成熟但我時 須北馬負鐵効力疆場不須造像修功以祈福力者武 厨今復 水灌畦注埠 力者建德廣占桑田薛東 此馬最多世充厚鉀不少効力征戰固守疆場常應 有荆州堤堰倍常沃潤應課收納保據封疆今復 何在若言欲得糧貯充切耕獲明愆但開渠 不須轉海龍王經 巻十二 足馬糞長應積殖多納 部以求雨潤者 3

動定匹库全書

欠色日年 台 此經但明世間忠孝未及出世忠孝何者夫處俗躬耕 世治民唯讀孝經一卷孝子二篇不須廣讀佛經者尋 內外福饗宣能尅定艱難者也若言欲求忠臣孝子佐 民故得華戎率從羣凶授首倉庫克切封城廓清若非 在以此而推我大唐皇帝內則樹善憑福外則應天順 能溶拔方為至孝斯則利沾三世豈唯旦夕之勞恩潤 小恩與慈者報将來之大德雖暫乖敬養似若慢親終 親以竭力出家修道遵法以與慈竭力者答現前之 廣弘明集

多りせた 治民也尋傅奕負恃凶頑輕弄唇吻解繁理寡語少罵 為天下主則可暫寄不可久居此令格俗遺祭不可以 患乎此全厭身棄世弗可佐世也又言貴身有天下者 厭俗捐親那顧棄主如遺豈論奉孝守忠治民佐世也 篇足明忠臣孝子佐世治民者尋老子絕慮守真亡懷 故老于云吾所以有大患者為吾有身及吾無身有何 百生寧責晨昏之養校其在生勝多明矣若言老子 以暫託不可久也河上公注云人君貴身而賤人欲 白量

見士流傷歎憐愍而偏護道法憎惡佛僧物類相感人 村間鳩響毒聲漸喧行路遂令無識羽黨唱快相傳達 多概順毒以中人逞惡言以迷俗於是梟音聰氣稍 次定四車 全書 弗可怪也但英親佛法尊高衆僧貴勝坐必居上行要 · 自同爾有類虽尤之天吠於軒轅盗跖之徒惡於夫子 廢社時因祭醮記酒內以招人或賴吉凶假送的以 在先帝王盛崇朝臣項戴寺塔弘壯齊供充盈民庶爭 歸士女奔凑至於玄壇之內事等荒村治觀之中還 廣弘明集 Ē 同

害僧尼自於家內禮事尊像太武察得公其矯証即 獸惡其網斯之謂數昔崔浩說魏太武令破滅佛法 叽 **霬恒有嫉心致使虚構浮辭強相挫辱罵詈極其醜氣** 前焚寫不稱其心手下看刑寧厭其快書云民惡其 祖躬其惡言誹尚弗忌殃尤識毀寧計罪福縱今眼 戮曝屍都市敢今行人成 糞其口太武還與佛法 故做沾藏解弗受欺誣少有信心豈從迎請愧斯寂 如初又周武帝狂悖無道毀滅佛法焚燒經像破 便

劫沈淪深可憐愍緊於其犯謬曉以正言慎或返迷去 靈崇著明理上文思久已玄鑒奕之罪業方墜泥黎永 塔寺罷廢衆僧遂身生癩瘡惡疾而死斯並近代殊驗 安令清河公李義節於西明寺索破邪論往光明寺經 坊所立妙演武以其月二十 何遠望諸同志成識此心龍朔三年七月十九日長 日進了

欽定四庫全書 廣弘明集卷十二

欽定四庫全書 是明集卷十三

詳校官中書 下沈鳳輝 檢討臣何思釣覆勘

總校官檢 校對官助 腾録監生 日徐如瀾 教讨 臣張曾炳臣何思绮

大王の私と時 庶明達君子 并序 100 PO 100 PM 兹而改正馬 おのなななないのか 廣弘明集 作十異九述眼量至聖 **喻曉之九箴誠之用** 度於白鳥之翼聖駁 釋道宣 釋法琳 撰 指

景裕戴詵韋處玄等集解五十文及梁元帝周弘政等 託收女而左出世尊順化因聖母而右生開士曰案盧 牟尼寄胎摩耶夫人開右脇而生内一阶曰老君逆常 分りせん 異日太上老君託神玄妙玉女剖左腋而生釋 **喻篇上** 2 迦

者為君材不稱世者為臣老子非帝非皇不在四種之

大德之君臨萬民之上故云太上也郭莊云時之所

考義類云太上有四謂三皇及堯舜是也言上古有此

限有 火己日年人二十 夫雖受女形畢竟不產若有茲瑞誠曰可嘉何為史 既非正說尤假謬談也仙人玉錄云仙人無妻玉女無 礼等經并出塞記云老是理母所生不云有玄妙玉女 順天之常也 無文周書不載求虚責實信為安者之言乎禮云退官 行道何不左旋而還右轉耶國之部書皆云如右 位者左遷論語云左衽者非禮也若以左勝右者 何典據賴稱太上耶檢道家玄妙及中台朱韜 廣弘明集 道 訑

未免頭白與世不殊若言長生何因早死 耀金驅開士曰老子云有大患莫若有身使吾無身吾 生之生反招白首釋迦重像示滅示生歸寂滅之滅乃 三阶曰重耳誕形居東周之苦縣能仁降迹出中夏之 外三異曰老若應生出茲東夏釋迦降迹挺彼吗戎內 不滅不生之永滅內二喻曰李明稟質有生有滅畏患 外二異日老君重訓開不生不滅之長生釋迦設教 何患患之所由莫岩身矣老于既患有身欲求無惱 亦

金牙巴馬

中州不生邊邑邊邑若生地為之傾案法苑傳高僧 期立表猶餘陰在依算經天上一寸地下千里何乃悟 中天竺地夏至之日日正中時堅晷無影漢國影臺至 為震旦以日初出耀於東隅故得名也諸佛出世皆在 故曰大干迦維雅衛居其中也婁炭經曰葱河以東名 ただりにい 永初記等云宋何承天與智嚴法師共爭邊中法師云 州 邊始定約事為論中天竺國則地之中心方別 開士曰智度論云干干重數故曰三干二過復 廣弘明集

子為上上流是聖老子為中上流是賢何晏王弼云老 時為罽賓之教主內四阶日伯陽職處小臣恭充職 未及聖二教論云柱史在朝本非諧贊出問入秦為女 尊當昭王之盛年為閻浮之教主開士曰前漢書云孔 維木肯為西其理驗矣 四異日老君文王之日為隆周之宗師釋迦莊王之 在丈王之日 五萬餘里若准此王東約海濱便可震且本自居東 四月 亦非隆周之師牟尼位居太子身證特 卷十三 吏

大記り事心事 文 既無李姓何得有期出為周師年代參差無的依據犯 子名宗仕魏文侯蓋春秋之末六國時人也文王之 之前未有李姓唯氏理馬以樹下生乃稱李氏老子之 祖各錄為舜理官因遂氏馬孝氏之與起於朋也自 說 言道無聞諸侯不見天子若為問師史無明證不符 朴云出文王世嵇康皇甫謐竝生殷末者蓋指道之偽 非國典所載 其可得乎察史記王儉百家譜云李者高陽之後 廣弘明係 P3 世 始 珊

壽法王一滅 一生示現微塵之容八十年間 開誘恒沙 迦應生梵國之時一滅一生壽唯八十內五喻曰孝氏 外五異曰老君降迹周王之代三隱三顯五百餘年釋 王之世十室以疾病致感老君受百八十戒并太平經 競諸操等考義例云為孔說仁義禮樂之本為一時報 之我開士曰檢諸史正典無三隱三顯出沒之文唯藏 三隱三顯既無的據可依假令五百許年猶慙龜鶴之 百七十篇為二時至漢安帝時授張天師正一明威

大三日日と 之教于時自稱問之柱史為太上所遣為三時也夫應 外六異曰老君降世始自周文之日說乎孔丘之時 靈撫臆論心說妄尤甚 有之說委巷空傳在周劣駕小車鬢重絲髮來漢即能 全無弟子三出三隱不見門人稟學親承告然河漢鳥 簫鼓雲萃雨從干實搜神未聞其說齊語異記不載斯 下生肇於淨飯之家當我莊王之世內六喻曰老 設教必藉有緣觀化度人皆資徒衆豈可五百年間 费弘明集

多岁世月 月潭 是為淨飯之盾本出莊王之前開士曰孔子至周見 上 外七異曰老君初生周代晚適流沙不測所終莫知方 其事可尋若在問初史文不載又檢問禮官儀文武成 聊 桓王丁卯之歲終景王壬午之年雖前孔丘之時 而問禮馬史記具顧為文王師 姬昌之世 之世並無柱史藏吏之名當是正品關條周末小吏 調 御誕昭王甲寅之年終穆王士申之歲 卷干 則無典證出於周末 老 不

ところる こに **身也言始以老于為兎縛隱形之仙今則非也嗟其** 哭之如哭父老者哭之如哭其子古者謂之遁天之形 蘭臺之書開士曰莊子內篇云老朋死泰供用之三號 天之形瞿曇出彼王宫隱兹鶴樹傳乎漢明之世秘在 所 始以其為人也而今非也遁者隱也天者死縛也形者 而出弟子怪問非夫子之徒數秦俠曰向吾入見少者 喻曰老子生於賴鄉鄰於槐里詳乎春佚之吊責在猶 釋迦生於西國終彼提河弟子槌胷羣番大叫內七 廣弘明集

曲 相 蓮 疎 融金之色既彰希有之徵萬字千輻之奇誠標聖人之 懸此中國聖人之相釋如身如金鋌眼類井星精若青 口蓋是長者之徵蹈五把十未為聖人之相婆伽聚日 **齒厚屑手把十字之文脚蹈二五之畫止是人間之** 開士曰老子中胎等經云老朋黃色廣願長耳大目 取人之情故不免死非我友也 頭生螺髮此西域佛陀之相內八喻曰李老美眉方 八異曰老君蹈五把十美眉方口雙柱參漏日角 卷十 月

|動分四月全書

佛 **微体息演** 色融紫磨相好難名具三十二八十種複放一光而 握掌文皆成其語雷震八種音聲胷上萬字足輪干榮 こうし 有內髮其髮紺青耳覆重捶目視開明師子頻車七合 髙齒疎眼睞耳摘髮蒼黧色厚屑長耳其狀如此豈比 盆口四十齒方白齊平舌能掩面蓮華葉形手內外 耶如來身長丈六方正不傾圓光七尺昭諸幽冥頂 相非聖者之竒姿也傳記並云老子鼻隆薄頭火口 一法使苦痛安寧備列稅經不煩委指 廣江明集 Ł

昔五帝鹿中許由皮冠並俗者之服耳褐身長三丈六 妄詳彼論馬言中褐之服正是古日儒墨之所服也在 庸儀容還遵外國內九喻曰老是俗人官居末品衣冠 外九異日老君設教敬讓威儀自依中夏釋迦制法恭 六十日也褐前有二帶言法陰陽兩判巾之兩角又法 尺有三百六十寸言法一歲三十六旬或象一年三百 拜伏自奉朝章佛為聖主道與俗乖服貌威儀豈同 開士曰昔丹陽余外與撰明真論以駁道士出其偽

|郵定匹庫全書

卷十三

誰 やこうえ 崔之徵且感丹書之瑞既符火德世服朱衣老是問人 兼陪末吏冠屢拜伏自奉恒儀即曰治頭本名鬼卒 夏禹開金鍾二山之藏窮此等服曾無據馬案周有赤 孔不為此服尋黄帝之遇皇人九真之靈又降帝譽 分度盈縮思運折除復馬得三百六十數耶考堯舜 風 赤錄不效伯陽祝水行符親師張氏非道非俗祖 儀余氏又云若周泰二世即以夏之十月為年至於 1.4. 廣記明焦 黄 周

况那喜行道於天下斬其父母何名孝 乎戮其妻子宣 七猪頭夫順天地之道者行已不傷和氣者孝也丁崩 外十異曰老君之教以復孝慈為徳本釋迦之法以 感通於朽木董永孝致於天女禽獸猶有母子而知親 曰若有至心隨我去者當斬汝父母妻子七人頭者乃 仁慈濟四生為德本開士曰汝化胡經言喜欲從耶 親戚為行先內十喻曰老訓狂悖殺二親為行光釋教 可去耳喜乃至心便自斬父母七人将頭到麻前便成 耼 捨

我好四年全書

卷十三

謂慈乎 優劣之異 外 とこうえ 左乎史記云藺相如功大位在廉頗右頗恥之又云張 命者為中華所尚故春秋云冢鄉無命介卿有之不亦 腋 論日聖人應迹異彼凡夫或乘龍象以處胎作開 而 相右秦而左魏犀首相右韓而左魏蓋云不便 出世雖復無關两氣非假二親至於左右之殊其 2141 喻篇下 也 左右異内喻曰左衽者則戎狄所尊 **慶弘明集** 脇

者釋迦起無緣之慈應有機之召語其迹也則行淌 多好四届全書 之首是以釋門右轉且符人用張陵左道信逆天常何 信明矣驗知揮戈操翰蓋文武之先五氣三光實陰陽 云老子楚之相父家于渦水之陰師事常擬子及常子 云左道亂羣殺之豈非右優而左为也皇甫謐高士傳 太史公等聚書不云老子剖左腋生既無正出不可承 有疾耳往問疾馬嵇康云李耳從涓子學九仙之術檢 相圓百切降神而乗玉象掩耀而就金姿三十二祥 卷十三

**依徵開於地府一十八桂貞瑞駿於天宫靈相周於十** 白首而効祥猶螢光與龍燭競輝魚目共蛇珠並曜 壽早登寂昭虚空無以量其體豈唯就攀枝而偉瑞徵 方神光顯乎八極述其本也久證圓明塵沙莫能算其 **欠已日月八十** 生者物之所以改滅者物之所以惡然則生道難得必 道之多一也有勝方 俟修功滅法易求部勞稟學是知騰神駕景自可積劫 論曰夫等無生滅其理則均尊世引凡不無差異但 廣弘明集

中 懸疣齊泯性於王樂蓋老莊之談也且綿綿常住古皇 没 則 **身存氣盡形殂固當一** 涯 内喻曰夫滅身以懼大患絕智以避長勞議生靈 不死 雌 **大覺開無窮之緣挺** 語 之稱無物豈長生之化 大則局在城中陷釣則不出性分蓋其志也豈 之文虚心實腹之論審浮生之有量嗟智水之無 不終繩 繩無名老氏則復歸無物然常存非永 時神逝此教門之殊二也一生教 圓極 耶 트 抻 凞 復明其淺深至如保 測 微 則窮乎絶隙究 與 弱 於

我只世屋 在清

理 欠定四年 義之殊仁唯長善陽又通生義主裁成陰論肅殺二 其量也猶萬華與培塿殊峻溟渤將坎井異深爾道 則控在無方美氣與氤氲共和神 南 教則陰不及陽五徳為言則仁深義淺此方位 更 恒準所以木方盛陽之地 右 日夫東西二方自有陰陽之別左右两位便成 右 有淺深教 為位 母東 西異 賊 献 之 西 南 廣弘明集 箴 以已為甲妻、田北方盛陰之以日乾為陽為 軀 既鄉父 同太虚比 剋無便位 木定為在 西北 Ł 固 魚 語

|立準無惑大方苟局判於所生所拘限於封域者亦當 者 成義非仁則不養所以子午以東仁也父西義也隨處 西方也此則從生老以判陰陽非尊甲以言勝多假 父母在西未應甲子男女在東豈敢尊父仁非義則 ·永執離南坎北男女匪有定方所以子午以東為陽 席若南 取男女生於東方也于午以西為陰者言父母老 少自見 此一以南方為 之謂 一謂數 即 居 レス 西北震能出 迺 内喻日夫金夫木妻陰陽孰 為 上言 帝復在東方 順乾尊 也東西 至 令 列如 不

尊君喜於關吏稟學於牙齒之際爲士傳 矯抗之心六異十仙伸伏膺之禮何止挫徐甲於庸 **譬眾星之拱北辰若金山之麗碧海足今鹿頭象面** 六道卓爾推其妙加以小學二乗之侣大心五品之 西羌大禹所出以仁汎之徳 神宅前 教永缺在江納漢非湫隘之陋居浮渭據涇無帝皇 存齒 常子日盡矣收名於藏吏之間乎爾道之岁三門而亡舌柔收名於藏吏之間乎爾道之岁三 數正夫釋氏者天上地下介然居其尊三界折那夫釋氏者天上地下介然居其尊三界 難な月集 頓虚東夷文王所生裁 張 其 口老 曰 - 予日将 倫 成 非因 巫

為 所製案二教論云五十文者容成所說老為尹談蓋述 名為務周衰出關二篇之教乃作然周書典謨無老氏 子史冊戎狄之主不許僭號稱王楚越之君故自貶之 外論曰夫華夷禮隔尊甲著自與墳邊正道垂勝負存 髙 徳 也 不作也又職唯藏吏位非阿 子豈可獯鬻之小匠足我天王之大師此華夷之異 華夷異内喻曰案道德序云老子修道自隱以無右適化內衛曰案道德序云老子修道自隱以無 卷十三 1 **衡隆周之師將非烏** 有

弘羊潛計之術莫能紀其繼本鄉行談天之論無以議 演慧明於百億敷法雲於大千靈澤問於十方神化覃 例 其涓滴豈夫章詮八十文列五千而已哉恨子未窺牆 於四表崇崖峻壁之典龍居象員之文蓋溢於茲矣雖 次 之为四也 致有武叔之毁亦復何傷日月故多念其不知耳 論曰夫老君道契寒中與虚空而等量神超象外隨 數正釋迎降神羅衛託質王宫智實生知道唯遍覺 有右 廣化 難な明良

為楚老來子及周太史儋皆老子也或言二百三十年 年處胎已過其半三變五百將非假稱珍怪太史公以 變化而無窮所以壽命固不同凡隱顯居然異俗釋迎 **吊老死信矣世人見谷神不死是以玄妃故好事** 生涯有限壽乃促期一減不能再生簽日老子既 云懷於李氏處胎八十一年蓋太陽之數壽一百六十 八十何期危脫此壽天之異五也大壽異內喻曰序 一百六十歲皇甫諡曰諸子之書近為難信唯泰佚 巻十三 云 郡 脉長

精子武成子尹壽子真行子錫射子及邑先生等並是 遂假託馬神仙傳云鬱華子錄回子傅豫子大成子赤 見道士欲以老子為神異使後世學者信之故為說說 皆由晚學之徒好奇尚異苟欲推崇老子使之無限淺 地則有道術道術之士何時暫乏豈獨常是一老子也 老身者止見碎書不出神仙正經未可據用也夫有天 Ca. 7. 1. 1. 1. 耳誠哉斯言可為鑒矣夫妙樂資三徳乃成法身為五 分所立是以生滅頓遣圓覺之性乃彰空有兼融靈儀 廣以明集

實屢熟而靡延東海桑田數變而非永五雲九轉悲編 之妙攸在故得形超視聽之表名息情塵之外湛然常 一多好四年 全書 或代代出生争陳久遠此之即邈難取證知今依傳史 鳥之暫留飛雪玄霜比遊駒以難固信中增無大椿之 樂文系之所未詮疑爾圓明言象之所莫測雖西王桃 久蜉蝣字頭鶴之年爾道之多五也有延促 其時代人偷而語則老尊而少甲鄉常為言亦長兄 論曰道佛二經各陳其說或言劫劫出世競事無先 卷十三

初 青牛弗在昭莊之世神光白泉非關桓景之年然而 非 賜 霧昏天濁流翳地文仲逆祀孔子非其不智子禽毀聖 而 たごりし 夫俯迹應凡託質於危脆蹈機化物同壽於百年 衡 因脩信 老生姬季之末論年二百餘犯語世一十餘王紫氣 幼弟此先後之異六也前後異 也機其失言言站難磨駟不及古誠不虚也前 石所量譬壽久而猶邈玄虚非丈尺所辨方劫遠 2:15 相由兹起感齡促化廣慈氏以故發疑巨微 戲亞明集 内 **喻口釋誕隆周** ţ 敷折 洞

終莫知方域釋迦抱危疾於含衛告殞命於雙林燒 有 右 盖 一一一一年 返右 而無窮豈如蛇穴求仙緣其天世蜺纓得藥未且延齡 論 父屍還同: 寂遷 鵬 先化 以西没流沙途經函谷青牛出境紫氣浮天不測 赐共鵬 異神内 後迹 日老君初誕之日既不同凡誨迹之時故當殊 喻曰序云託形李氏之胎示人有始終之義 ,梵法氣盡神謝曾不異凡此去世之異七 頭偶高見為與職足争遠爾道之方六也 三 始 世 柩

大足りし 2 依 豈 風盛矣豈同鼎 絕代是知其來莫往弘濟之德美馬非 而霧集靈齒瑞骨昭勝福於殊方紺髮紅爪顯 雕空 圆德潘緣謝機亡仁升 賴 非生滅耶即 鄉 一樹 國之位法傳聖假之倫 AL LIN 死就 皇覺 槐里始終莫測 云黄 莊 湖亡返橋山之家獨 生所 大帝家在两大 廣弘明集 云老 溺於两 何其瞽哉 聊 道之劣七也 且電合而 死秦佚甲之是也而 河 存流沙不歸 慧日沉於雙樹 後前 顯非味聲 風 敷析 馳 右選 邓夫大慈 有 神 顧 既雲 謝 功 華 扶 其 於 凌 風

内喻 || 麒麟之一 深 外 等於如如無方理絕稱謂化體由乎應物妙質可涉名 此 龍 道榜於上皇雙瞳四乳之君德昭於中古問公反握 報者中國士女翻作胡形此相好之異八 E 論曰夫聖人妙相本異凡夫或八 顏鶴步反宇音毫至如卷髮綠睛夷人之本狀高鼻 胡子之常形豈可及我聖人用為奇相若事佛 曰聖人相質無常隨方顯妙是以蛇驅龍首之聖 毛禹耳齊肩乃崑山之片玉前 彩雙瞳 歎釋 正疑大法 也 一河目海 右賢 相 好 身 楯 聖 D

金万口后

加始|就譬 言 而 H 故 百成如如 輪 形面 逢 棚 不 具 有白毫 何 月 如如 倍 而 來三 始相 輪 彩 止 自 蹈 悲 大 成功 £ 毛 具 嗟泉 殊非色妙色之容 周 五 徳 糾 当 睫之 而 把 無復徳世 十以 陽文與酸蔑比麗 茶 見加復界 不 輝 明 頂百加 四 Z 廣弘明集 標 相倍百 生 旦 福旌 果 · 奇蒙供 幕 **能勝遮** 唇 復始倍 成始 梵 生 八經 化目之麗 眉成 離 志 百 並 궄 成種非 幽 見 相 盂 具相 而 自好輪妙 椔 娵 成毫功 王勝生 卍字千 ンス 興 感 顯 與雕 螽 更胜性 相他 之 體 異 歎 髺 功復增嚴勝 靈華 功徳加 薄 論曹 百佛諸 輻 葋 日相 云植 之 孔相 有 相 汕 倍始月 ń

蔥帶 |動穴四月全書 法象表明蓋華夏之古制 爾道之劣 異九也 幅 也出 横縵 倫實戎狄之風也宣用 日老教容止威儀拜伏揖讓玄中黃褐持笏曳履 弗踐於王庭故應器非靈廟所陳染衣異朝宗之 自縫 レス 之裙半片祇支之服禿髮露頂狗 儀史表 情 應 也 右 隂 亦 有多 内喻 陽 無典 相 典。 好 卷十三 日玉 箴 異俗人道 釋 佩金貂莫施於熊野荷 兹形制足我威儀此容服 訓 架装左衽偏 至士 周武來本 著儒 踞狐 袒右 有 蹲 服 橫 肩 非 帔不

之 棠棣之華況将 世是以翦髮文身仲尼稱太伯之善反常合道詩人美 服 枸 者真人也聲色不能污染位不能動 自縛 剱 版於月 有也故使衣像福田器繩難量絲桐弗感於耳朱紫 故東於道者或順機而 何其鄙夫爾道之多九也 '磕齒噓氣而稱道哉登木求魚去之彌遠絜船 輕 肥罔仰其體勢競莫駁其心故經云 反性澄神碼 軟物據於德者或矯時 凡踐聖而不異其容服 有右同威 異儀 何必 鶡 冠准弁 羅 而 漢 反 訓

世 家常然楷式釋教棄義棄親不仁不孝聞王殺父翻 聲教永傳百王不改玄風長被萬古無差所以治國 徳 何 您 論曰老君作範唯孝唯忠救世度人極慈極愛是以 必歌笑垂中夏之容臨喪扣盆非華俗之訓 而 甲禮生忠信之薄瑣仁識於及婦大孝存乎不匱 能生善此逆順之異十也并順異 調達射兄無聞得罪以此導凡更為長惡用斯範 相視而笑莊子妻死和歌孔子助祭弗識子桑 莊子夷 盆而歌故、死子貢改、 内喻曰義乃道 教之以孝 母原 說 治

欽定四庫全書

卷十三明

底類於天屬遺傑即道等含氣於已親 等普親之意 經言識體輪迴六趣無非父母生死變易三界孰辨 化周萬國乃明辟之至仁形於四海實聖王之巨孝佛 以敬天下之為人义也教之以忠敬天下之為人君也 競遺親文史明事齊桓焚楊此其流馬欲以訾聖豈不 父子怨數為知識知識數為怨是以沙門捨俗趣真均 親又言無明覆慧眼來往生死中往來多所作更互為 道尚清虚爾重恩愛法貴平等爾簡怨親豈非感也勢

|欽定四庫全書 響貴資合節佛經如來說法之時諸國天子普來集聽 謬战爾道之劣十也 生離苦而此土何辜偏無人悟獨隔恩外曾不見聞 所書固無遺漏未聞天王詣彼葱嶺宣於中華之帝無 或放光明遍大千土但釋迦在世之日當我問朝史冊 論曰夫言者非尚於華辭貴在中理歌者非尚於清 預道場邊鄙之君有緣普需法座光明所照則稅 九箴篇 右法門 有 漸 頓 ij, Í 仰

色震霆駭地聲夫弗聆其響者蓋機感之絕也作暴 世不能知其迷一也内箴曰夫淳曦麗天矇瞍莫鑒其 事好言垂龍妄皎然足稱虚偽凡夫莫悟逐影吹聲 性 跖 度能仁不容私簡 之外 孔 其 智無以過其心結慎野夫賜辨其能蠲其念亦情 馬 則 孔邊莊 馬 子巡子使而云 圉 膽 楚越况, 于退孔 愆何 箴 日汝無 伄 見 解馬二盗路 怨 始結曠隱愛與滄海校深 神 **ሃ**ን 見 盜 佛 **說野子** 也人馬 唯 **馬跖** 頻 故道 自各也求心責實有務聖太心責實 野人之当 合則 F 萬里 有 腿 兇 萷

漸飛行 為業廣塵勞將巨微爭峻羣情不能 階 自 梯三畏五常為人天之由漸蓋冥符於佛理非正 談詩書禮樂之文周孔隆其教明謙守質乃登聖 雨 應 堅水創於履霜皆漸積之謂也故二皇 法老 聲菩 不 重薩為 可備 頳 法道难魯再變乃臻於至道密雲導法地地难 旌 回 修故策之以限 為 女 媧伙 與已淳之末立虚沖一 居淳風之初三聖立言 分, 楢 天地三 化始 頓至故導之以 之旨黄老盛 統化 空寂所 經 云 四須 合 迦 積 於 於

欽定四庫全書

鍞 穆 能 也 知濟 之 析 極 猶炎威赫耀童子不能正目而視迅雷奮擊懦夫 辯恐傷吾子混沌之情非爾所 張耳而聽是以河池涌泛昭王 而 后放其亡聖 一談循 而不測淺深因斯而談般問之世非釋教所宜 劝誠淨名云是盲者過非日月各適欲窮其鑿家 医雲黑有白虹以其七聖月書四以其七聖月書四 訪 道於精聲麾方而莫窮遠避問津於死馬 之樹泉異 木池記 怪 推悉云 豈能越葱河而稟化踰 懼於誕神雲霓變色 知其盲 Ł 年 11 四月 + 無右機周 不

**稣定四庫全書** 陳堂宇或範上刻檀寫櫄胡之狀鎔金織素代夷狄之 心無不來應故凡俗各傾財産競造塔廟不恪珠璣爭 風 外 值 容妙盡丹青巧窮剞劂一 論曰夫銅山崩洛鍾應該灰缺月暈虧未見虎啸而 如來漢國處恭不逢調御若化不到此 不生龍騰而雲不起今釋迦所說佛力最尊一念運 已來六百餘載未聞一人言能見佛豈胡人頂禮 間空談威力而世不能知其迷二也内箴日左徹 拜 禮冀望感通自胡法 即是無靈 南 BP

容色 夢金人 某 鏤木堅林晦 聖刻像 於統釜或視真避坐寫貌迴驅 刑 之遂像僧 精誠通子夢寐亦其至矣豈知切利不還優填 剛以代親 神應 轉 河浮玉馬 恐 損 鴚 而拜 金色 西 不 向 影 窮由來尚矣自像流東 顏在資仁彩壁而圖聖故使憂喜形 軒皇句踐思賢餘金而模范蠡丁蘭 神 於不 是許 阿輸於是鑄 光導於湘 鎖強 髙主 水瑞 乃至 金託 閣 明 杉 應 妙 發於檀溪感 被 相 視願王云 於 ıΈ 像揚 化 丹青寄 奉) 人州 移

相州昭潭 |欽定四庫全書 及比丘比丘尼等冥感至聖目 感應傳等自漢明以下說於齊梁王公守收清信士女 如見迹萬山浮輝滬瀆清臺之下視淌月之容雅 而言矣如干實搜神臨川宣驗及徵應冥群幽明錄 后 水底長沙標聚日之姿盧嶽顯融金之質其事廣馬 觀 鑄而刻成宋皇四模而不就其例甚很不可 相輪之影南平獲應於瑞像文宣感夢於聖 寺育 並 放 王 光 明像职記 曜崖岸武昌檀溪寺瑞云像身出爐陵三曲時 覩 神光者凡二百餘 瑞像光鉄 出出 9

注覺者聖人也言患在懷者皆未悟丘與爾皆夢也注 涅槃者漢言無為也而吾子終日踐菩提之地不知大 何 為佛陀以此漢語譯彼梵言則彼此之佛昭然可信 2 道 之為涅槃道無不通者名之為菩提智無不周者稱之 譯名也故莊周云且有大覺者而後知其大夢也 即菩提之異號也東形大覺之境未聞大覺即 以明之夫佛陀者漢言大覺也菩提者漢言大道 豈以爾之無目而斥彼之有靈哉然他無不備者 佛 郭

欽定四庫全書 云夫子與子游未能忘言而神解故非大覺也君子曰 佛 言 也無思也寂然不動感而遂通非天下之至神其孰能 以推功於佛何者案劉向古舊二銀云佛經流於中 孔丘之談茲亦盡矣涅槃寂照不可識識不可智知則 百五十年後老子方說五干文然而周之與老並見 語斷而心行滅故忘言也法身乃三點四德之所成 然無累故稱解脫此其神解而思息也夫子雖聖遙 說言教在往可驗故孔子有言曰夫易者無為 夏

旋 如漢 三界尊於六通昭在羅漢之德 勿伐展季以清貞禁龍四民懷於十善緬邀輪王之 提 與 全身 遍子ハ 於不測大明窮於勿照乃賜燭於無幽故有香戾金瓶 .... 來辟 空 之製其流蓋遠夫且封且樹比干以忠勁顯墳勿翦 於此余今提耳語子當捨其積迷而何其晚悟也支 **心支** 彰於漢世八彩分雅 况 1.11 智周十力德消四弘妙辯契於忘言能垂 國光螺鮮 商に刃集 貝散體周於十方作五色凝 神應顯於吳宮爾其百鏡靈 偷婆漢言 言經 冢四 謂種 子門 人得 輪 思 羅樹 輝 訓

|舒定匹庫全書 |養之辯識沧海之廣應榆枋之智測崑閬之高早乎而 汝莫知其盲二也名建造 翔臨政鳳遠接靈方盡壯麗之容窮輪與之美豈夫髙 **龕干華妙塔掌承雲露鐸韻髙風紫柱紅梁遙浮空界** 令衣同胡服即是人中之師口誦夷言便為世間之貴 民失禮其國可存子孫不孝而家可立今瞿曇制法必 山仰止不忘景行崇表峻關標樹鴻散而已哉無以欄 論曰夫禮義成德之妙訓忠孝立身之行本未見臣 d'S

偏無勝福在項行檀獨能感果仁惠豈可俟髡頭守真 復形於國統 慢君王之前乃稱釋種不仁不孝已著於家無禮無恭 致使無賴之徒因斯悖逆箕踞父兄之上自號桑門 與以因果為宗素王陳訓以名教為本名教存乎治成 無勞毀形貌而世不能知其迷三也内箴曰夫玄聖創 道無親華夷詎隔唯徳是輔豈分胡漢豈可戴巾修善 出泉镜之子人人養豺狼之兒撫臆論心良可痛矣天 j 之所謂處高可亦無禮無孝也 其則競日禮云子冠父親熙之母親拜所則 題は月集 Ī 門 傲 門

|動定匹庫全書 忘敬也分衛婦衣支身命也言無隱曲離 推兼聖色遵梵行也剃除鬚髮去華競也俯容肅質不 萬質同歸緇衣為很彩壞色簡易遵於解脫條碼象 外威儀進趣非法不動容服應器非道不行故泥染乃 義天殊安可同日而言也沙門者乃行超俗表心遊塵 因果期乎道立立道既拾愛居首成治亦忠孝宜先二 쟤 執作聖制有以終不徒然是以捨愛捐親仰衆聖也言便聖制有以終不徒然是以捨愛捐親仰衆聖也 田偏服示有熱勞積四執缺被便於運役論語云褻 邪佞也和聲

ジー・ 真謂捨家而形不變俗戴圓冠無立象之鑒履方屢闕 愍報病也人天崇仰三業淨也窮之極真取究竟也庸 福宋之服曳孫恩敗晉之裳生常之業其廢庸肆之役 也清虚恬淡順道性也邪相不撓住八正也顏下色敬 恰氣入無諍也吐納安詳慎詞令也世貴莫屈守貞勁 理之明著南鄭及漢之中把公旗誅家之笏飾道显 弘濟亦忠孝之盛也道士則不然言慕道而心不染 那心 押 世則忠孝之禮虧求仙則高尚之道缺猶蒼蠅 1. L. 爵に月集 二ナ

品是 衣裳 髮 招 見其盲三也 祭 膚 白黑之論蝙蝠 垂法不織 不織天下為之苦寒一 以味 酒 日夫聖 存稼穑立稷 役蓋 草木合五穀之精植桑柘充八點之礦故 課然 八調則胃出了 六為鼠 不耕 人應世本以濟益蒼生仰觀俯察利安 捕右 息威 特 及 次 正置司 有鳥鼠之譏蓋妖感之傳矣爾 經無絕 男 粒之法田空耕稼之夫 衣 鼠正 いく 不 勤耕 人法 捕念 蝙 耕 利 百 天下為之少食今 核鼠經 姓於是乎在 時云 出謂 出聲 不 毁穴如 為蝙 教 若 鳥蝠 不 羣 -重 自 闙

一多玩四年 全書

守 袵 稼仲尼識於小人稷下無位而招禄高其賢也點婁 轉練之方業廢機紙之婦是以持盂震錫 已見困窮世不能知其迷四也內箴曰謀道不先於食 費何者夫賢愚壽天信於指掌貧富貴賤昭於目 驗於因果蓋三世之洪源仙道尚於金玉勞一生 偏衣於何取託故當一歲之中饑寒總至未聞利 而獲賜尚其清也善人之道何必耕稼吾請言之 信必後於饑是以桀弱於耕孔子譬諸禽獸樂須學 覧と月末 餬 1+1 H 誰 憑 前 益 非

見樓 談織紅之婦必知並畜妻房故應道士專耕女冠勤織 棄 丹 既 如飲美酒被 報應則形影無差業緣亦聲響不異此其指也未見服 何為莫充 無絕粒之人頗慙客作之倦自春自磨餒在其中勞 不死餌液長生古詩云服食求神仙多為藥所誤 功夫浪妖年壽也沒有轉練之方何因更請田地 觀黃巾脫鹿皮而藉地玄都思卒捨橫帔而耦 糊口恒闕資身如其不織不耕 服 **紙與素寄語後世人道士慎莫作言虚** 即隨負處竊 又 耕 不

一致定匹庫全書

欠己日屋 二十 美此術子孫三世相繼行之汝法如是機亂生民若勘 名謂人根出溺獨出精也女之又女者謂鼻與口也陵 者謂朝食美也非常道者謂暮成屎也兩者同出而異 道路道路溺孔也呼為師友父母臭根之名又云女兒 别黄書云男女有和合之法三五七九交接之道其道 未嫁者十四巳上有决明之道故注五干文云道可道 真訣在於丹田丹田玉門也唯以禁秘為急不許泄於 形林心何道之有尋漢安元年歲在壬午道士張陵分 廣弘明徒 产

冥盆 金万口 詐 深水華璞者追藍琰無憚三襲之險貴其實也慕至道 實言餐霞莫觀察機之信致有孫援蚕蛤之論曹 者窥其户牖 家生集獍之兒明矣夫辯竒貨者採驪珠不忌九 百姓依汝法行則不孝不恭世出豺狼之種無禮無義 重其真也故能使倦夫不爱其力貧客不恪其財蓋希 於秦邦文成五利紹偽於漢國叙控鶴弗目陵雲 一非其迷 有清 也至若仙術 輕勢利於鴻毛入其與隅忽榮位於脫 + 誕妄源流久矣韓終徐福 道 间 始 屣

分右 耳 同 ここ) 棄 者 論 衞 完虚則集其所異理符則世重情說則物違故常 豈曰迷乎即道尊佛不亦可矣而弗自知爾盲四 耶貴 坦忽星然 以難執也賤左道者以虚偽也蓋檢實則積 日夫國以民為本本 耕 然族 1.1. 擊風捕影之談 È 猱 娱乎 投 海货 胂 牛哀 化體變 發與 病 廣江明集 當世 **奶而為虎逢其兄而此处乃更為魚繁豈復以高其徘徊其翼差池** 固 故棄實銀者以非器也廢 排得 則 徊道 邦寧是以賜及育子 其化 為 仙 噬識 其夫 Ī **乙翻羽雉** 若夠循 其所 此林自

皇之世無佛 湹 空矣俗人 涅槃既闕長生之方又無不死之術斯 真偽混雜禮樂不調世不能 國可存今佛 不今絕嗣故得國家富疆天下昌盛未聞人民凋盡家 久滅可謂畏死而服鉤吻懼 恩流孕婦之室故子孫享祀世載不虧雖至孝毀 雖 欲求 而祚 教 即 延後趙後魏 福不知形命已殘競慕家安豈覺宗 不妻不娶名為奉法唯事早逝號得 知其迷五也内箴曰夫澄 已來有僧而運促正由 溺而赴長河且天皇地 世之中家國 躬

|翻分四庫全書

卷十三

滋 治之本矣又五戒修而惡趣滅十善暢而人天滋 教 嗣 神 子不聞乎昔何尚之言釋氏之化無所不可該入道 者尚德弘者賞以道傳神以德授聖神聖相傳是謂良 則正化隆惡趣衰而災害珍正法念經 刑 源誠濟俗之稱首夫行一善則去 塞道之源伐徳之根此謂無後非云棄欲為無後 反性入道之要門絕情棄欲登聖之遐本故云道高 一刑息於家則萬刑息於國故知五戒十善為 一惡去一惡則 阿云 修羅威 息 天 ĬE.

欠日日日と

廣弘明集

虺 而棄 今 易 儞 欠世 反 九首不其然乎載思一 則警夜伐勞功劣於犬馬 顣 殼無 不我雨增 謂好欲為妙訓妻子為 其術且愛犬馬者貴其識恩嫉集稅者惡其及 且體骨弱氣李更之至談實體愛精仙家之與 順足 登思 楢 時威疾龍 屏新去草盆重而 病有 暢 龍 甘少民雨惡饑 有 車吁可畏也且運 逆鱗反舌纍深於集鏡 時龍饉 化源宗老而 降無赦力 難 降 互 彰 相 霜 松善性 雹 絕餘息煨積微 :]]= 時 毁其言敦 ~ 修短 入力人基 民善持風 安龍戒疾 雖 雄 噬 仙 旨 洏 樂有 多雨

くこうこ 餇 幽夢聖陳 紂 曰 論 盲 在 談 厲 思 ڃ 思 幽 命 曰夫 五也 目 是賢 厲 論 何容易惜 無 7. LI 非 以並 昔 與替 不 孝為德本人倫所先莫大之宗固 治右 終 曰 終各行 堯 永 本教 虚 延促 周盡道舜 一談豈無 哉吾子自 為 华 祚 其修 禹 八天政 湯百年治文 市 姬發履道而齡 亦 廣弘明集 佛 泰祭天武 駘 滅放下 符故堯舜禹湯咸享嘉壽集 而 周 祚 於鳩不 伊 召 戚 條足 太 延 長嬴政 長足歎矣昏若 有 世科損 公 此死神並 僧 時牧賢卓 本野宰百 而運局談 刑 淫而 惟恃 Ŧ 無 犬 戎國 夜 枯 祚 何 不 容 游 短

釗 敬 欲骸 谬 佛 **坟四**库 之徳 使 垂 縢 思 言其之暴 訓 緘上 親 豈曰 全書 俯欺所露群皇 夫 必 而 雕 令 慈 敬 莊 同 天不於情之 棄 能 亂 他 末平見野瓦世 2 當是因 掩不 爾 73 妙 世 廏 酉州 其 行選以收虞 骸 故 A 菰 神 此 生盡 於不夫而棺殯 典 骨 謂 龏 藏皆葬 禮 不 指 考 温清 茲草 矣 享 之病之 起之 ا ت 醴 且 地篤始於醴 妣 水 未不門行 野 之 始 棺 恭 多出 能封 族 柩 終 杨 曾 兔不|欲禮|也聖 葬 俗樹厚故暨 備 不 周 無 財 唯养 封 墳 也 賄 祀 云 周 風 誉 棘之芽 樹 陵 俗 汌 文穸 戎 不 其 我 孔者之之 之 Z 同 狄 禮 先 子藏 ら 塔 Ð 屍 以故 廟 不 開也 日筬

孝 柳 各 愚 覛 死露屍鄉那本異捨己伯 回猶予蓋其義也且爱敬之禮異容不出於二理 回死 敬資於生成故云非父母不生非聖人不立非 而指 自而然世不能 無法非孝者無親此則生成之義通師親之情顯 之性殊品無越於三階 撝 **颜路請予之車孔子云回也視余猶父余不** 1.1. 敢愚滞者亦提耳而舉 掌夫人倫本於孝 知其迷六也内箴曰導啞孽者必俯 商江月康 他 故生則孝養無違死則 用為 求福豈知土壤斯 Ī 聖 敬 得 故

主三十 性分之殊也比夫釋教其義存馬至如灑血焚軀之流 寶塔仁祠之禮亦敬始慎終之謂也監於翰王八萬 泥 也總羣生為已任等含氣於天屬栖遑有漏之壤負荷 禮此禮制之異也小孝用力中孝用勞大孝不匱 造三干偷婆竭溟海而求珠淨康衢而徙石蓋勢力釋提恒因天竭溟海而求珠淨康衢而徙石蓋勢力不以聲上悔為起八萬四干塔今此震且亦有在三千阿育王經云王殺八萬四千官人夜聞宫中有 洹而長歸東法勻而遐覽斯不匱之道也暨乃母氏 賴之傳蓋勞心也迥 卷千三! 軒實相之域凝神寂照之場指 jt 釋

歌定四庫 全書

丛

成 柳還依上古不許 债冀免将 者 玉華 或負笈從 乗骸骨以 何親禽獸何疎生既以身 剖金 後佛 難觏 世 瓡 棺 來不若莊問非末 從 縋 而 疑 師 何 t/) 积朴 演 魔化骨空致斯談載與憑賴未親其實 擔發遠微披蘿稱蔥鳥曳熊經金竈 而至哉且經勸 句、 埋藏嫌 報脚 父 生至 養閣 爾江明集 £, PP 物輕生 代 之維 世 為遊旅死當以天地為 恩處 執實狀 厚葬失禮之本而 屍 孝 重 陀普施飛走意存 敬表儀茲亦備 死之弊也求 而送 終云智 = 仙 云 螻 宿 罕 道 棺

菩提者漢言阿無也耨多羅上也三藐三正遍知也菩 胡 或捐骸地胇喪骨天台生關蒸養之恩死無冥盆之利 爾盲六也 例心危於庶物 能 外 招問聖之業攀危據朽該足寒心傲然不懼何愚之甚 語此土翻譯乃曰能儒能儒之名位平周孔胡沒其 論 儒之岁名而存釋迦之戒號所言阿耨多羅三朔! 日夫華夷語韻不同然佛經稱釋迎年尼者此是 無違孝 邪網挂於羣生九族 延毁正之殃六親 整十三

|歃定四庫全書

九三日屋 二十 蓋謂實實豈以順世假談格玄聖之優劣夫首家以首 |忘歸之客世不能知其迷七也内箴曰夫名無得 惡同好異恒俗之鄙情是以邯鄲有匍匐之實弱喪有 例如是朦覆世俗感亂物心然厭舊尚新流蕩之常弊 名下多非為上士掩其鄙稱亦其有翻八不譯之流其 為 提道也此土先有無上正真之道老莊之教胡法無以 召質仲氏将山製名山高於丘仲仁未如夫子首總於 異故不翻譯又菩薩摩訶薩者漢言大善心衆生此 廣弘明集 毒

越 後偽 四句 邇 又言道家舊有正遍知道與菩提不異者信是正教 號義含多種 章 草般 )正實翻 不可 首德不逮老朋能儒之名何容遂 竊此名覈實尋源豈得斯號夫上法高勝道義清 安得將能定翻述者事不得 亦 亦思 邪 真道 遍 真由反偽今符書呪咀不 守 指用 能費於萬德不可以仁偏 雌羡 甩章符 即 停 下非名為 輝 擬云 左佩 鬼 已強復存其舊 又云道性 平 血極董章 可謂正薰 周孔然釋迦 南 訓 通仁絶 仲 右帶見 摘 號 流 於 混 耳 之

到分口月

生主

こうし 菩薩為僧尊首三實勝號譯人存其本名非如朱門 子 真名實斯濫蓋此之謂也又疑菩薩不翻茲認益甚書 然規報通於含靈衆生追越凡聖大心之稱非為 於歌鳥無能歌之實私蟲盡木或近於字蟲關解字之 口膠目安得稱道莊子云膠離朱之猶春烏轉弄或 妍當更為爾陳其指掌釋迎是佛顯名菩提是法尊 云上聖達於鴻螟皆有蟲稱經言多足二足如來最尊 雖洗垢水疵無損南威之魔棒心敷疾未變西施 1.11 鉗楊 廣江月集 墨之 p 麦 F 稱 Ł

則 翻 柱 **動定匹庫全書** 外 如門 而 怯 論 形 玉進 識陽 委措神 齒為 彰辭穢而難 雖隱質事同姓 日夫聖人應化隨方接 陰玉 思 柱 陽 陽 天鼓 文 陰母 父 此 應 咽唾為 華夷之常形非 手 隂 摩 母 顯 足目 諡 好異矣冥馬不知爾盲七也 猶靈鳳以客德 號馬屎 醴泉 黄書 虎 戴 三月 肠 Ξ 云 關 赦 在梵 為靈薪 屎 璞 方 七命 出 為 希觀 靈新 刖 之勝負若佛苟 九門 上 清 呼 **禿髮露頂處** 天抱 經老 也鼠 羅真 殿鼠以醜 q 唾 地 為 為 網嬰 右 事 £ 開迴 懼 令 液 鄙 Ξ 無

子居九夷不患其陋禹入裸國欣然解裳姬伯適越 知其迷八也內箴曰夫至道應運無方聖賢乗機引 法著中亦為奉道是知露項括髮鄉俗不同嗟乎士民 訓 冠冕便是智力不周何謂隨方現形而為設教苟若 去茲冠冤卓服被緇棄我華風遠同梵俗則不能兼 用為修善可謂貴隣室之弊禮賤自家之黼黻世不 施於正國若漢學梵形剪髮便名事佛則應梵習漢 則佛自是天竺之枝神非中華之大聖豈有委髮之 能 通 物 不 而

欽定四庫全書 善聖教綿遠終使鼠璞濫名 文勻武靈順世而梵服雖復筌蹄異用而魚兎之功齊 遂今鷄鳳混質文 真聖制不徒其有致矣但仁義變於三遊盜跖資於 伽 三十六部消亂於東國至如優婁任子之論衛 况變俗誠心毀形結志去簪纓以會道棄鬚髮以 世師論也古 之直見外道也或記 山鷄為鳳 頭夷羅之仙 卷十三月 故 死鼠為玉劉子云周 水火而要聖憑日月而 **水火** 仙仙 九十五種騰翥於西戎 外外 玉 璞 人謂 道 直 名吉波 名夷 玄化幽 世 頭 雅 倳 微 修 £

胂 本 於 覆心倒 與昧谷同昏如斯之流 Ž 三界 神憑玉京而洗累若此之例 之淺慮或身 安歌浩唱吞刀吐火敲 執 用 四大 浮 爭守二見沈晦於九流識體輪迴 ひく 鋮 動取 刺 非 因 眼 相 佩中黄之蘇口誦靈飛之符 溺其長源大聖道眼預觀 指三業 深持感壍高築 仲 西土之 為無報滯識將冥山等 郷 東區之異學 之 庸心 卵 疑城各抱 論也其次鬼笑虚 浟 無 雨嘘風驚 j. 隨機授藥 蹈金 明翳 隅 並 闕 皆 其 迷 邶 淪 而 邶

授偏 |欽定四庫全書 斯今之道士所學之法不復以此為念然大都止今如 彩 法王孫吳之勢也聖無二制容服義均循清濟獨河歸 誕質西土正教東流疾重則親降醫王患輕則寄方遥 文者皆是求神仙不死之道其次則養我今日身命駐 滄海而同味綠膺絲賴集須彌而共色沖和子曰玫璣 佛家身死神明更生勝地耳若不復貴此身者不如專 延華價至三五百年以此為真耳長生久視義在於 神以翦集鏡重將而戮鯨鯢此亦釋門和扁之 桁

法孱然可修何勞勤苦自名道士而實是學佛家僧法 褐 心學佛道佛道登練精神 耶學又不專蓋是圖龍畫虎之傳耳何不去鹿中 論木 典 量壽 理則 剃鬚髮染架淡而歸依世尊 上清尤 並 約 攺 知 數 换 何法取異佛 髙 法華及 論 而 洏 作 而未瑜上界之域太清仙法又棄置 後通 修心則依坐禪 言採佛家 庭 而稱為道士也其得意者當 元陽靈寶上 H 明 耶世間道士經及行 日益甚有名理定慧 痤 論败 而望感言改 清 經道 1.7 名為 釋 道 而 黄

飲定四庫 全書 敌 佛 **穴之内悉安佛像自率門徒受學之士朝夕懺悔恒** 與陷隱居常以敬重佛法為業但逢聚僧莫不禮拜 法 文字或由項禮成積故致真應水儀正爾整拂藤蒲 師佛矣于是南人躬學茅山道士沖和子之法沖 汲華水端襟儼思竹聆警錫也弟子華陽陷弘景和南 陷隱居答大轎法師書云去朔耳聞音聲兹晨眼受 師事佛敬僧曾無異說爾何自陷違背本宗不義不 經案玫瑰抄文沖和所制以非當世道士不敬佛者 整十三月 和子 讀 捰

為 子所 戈備陳蒙冊所以左史右史記事記詞直筆直言無矯 猶白鹿之與麒麟而子不能悟其盲八也月界方 愆 無妄魏書外國傳皇甫諡萬士傳並日桑門 乃與自爾已來漸弘載籍前賢往聖皆著典墳揖讓 外 仁 心臨稅王久無太子其知為所屬人有災祸及無之丁所作 荒日浮圖經者如 罪 論日天皇九紀之前書與未作太昊六爻之後文字 招極法年子論云堯舜問孔老氏之化比之於佛 所者 莫耶 因行沙西视洋律城 简年傳 辭 剧 云臨 同 浮圖經 倪國 制

欽 為在此為王明 者 定四 浮被萬浮浮帝 漢 其口 漢 自 經 翦 圖化里圖 並 庫 豈 祀 改方 可本 始胡巴夔 西感 云 云 謝 老 是說還身 胡 塞無 愆 報浮春作傳夢 謝 子 £ 耳老 八馬 不 恩圖漢佛為也 罪老君大慈愍其愚昧為 偷子 信老 胡 明考 供經至方 鈴作 浮前 養 办 今有威泰圖漢 指佛 及 子老 商佛化景經 身 虺 之 人與 胡俐教 淌 文 杊 作 子 ₽p! 佛蕃蓋 馬 經經前 佛 神 道 何 顯 札使誣 乃不漢 日 カ伏 週朝 聖之相罔稱云 他開繼之老老行使 之廷 經 之 甚博 何也不極于 A 誥 說六 也識 其 概 也 也 流 条 方 說 椎 求 明 說 挺使莫但沙 哉老傅罽教世年王 威 教隨 悔 甚 老賓胡道 12 渦 多 自 子去王士俊太 機 胡

恥內為别陵恒 戒 約皆 こう真 納 種 2 性 甚 爾箴 ひく 嚴 令 割 世親 頭 帯 刑 世 毁 必 斦 來 畜 形 陁 須 來 貌 乞 、誅宗滅 示 謂 中故皆清約 食 於 闽 柱生有須虚妻 重 為 バ 于男 廣弘明集 魏學 制 病 刺 嗣 欲陳官 尐 内 兒是 劓 加 兇 於 但 前立 很深女 但同 為 之引 頑 北 唯道 濁 之官 李 罪 2 土 禁 以館 10 君 圃雨 約妻房 赭 宜 狐以 子 令 廬 教 内 道 宗 也都 服 夙稟 咸學 刳 家養條人既會 偏 絶 彈徑 徒 腹 衣 兒師人學聖 前 其 洗 假喚嗣取長仍 用 悖 真 鵬 清媚師婦 挫 強 虚女|之張|汝燕

無禮 其 立廟漢土不 톽 頭 顔 宋真 方佛|精形 胡 知其迷 謂 陸人欲堂也像 風與僧澄道人矯足毛 之甚良可悲痛昔漢 身 修置 人有陶集 無 許遵 Ĭ 愆 信道 九也内箴曰大 亦 居 為堂 乃堂内道 疵而樂著 行魏 無傳論 此以學 佛像云及 憑 形 承漢 家王在杜 明感 制淳茅氏 极 無 械 勞 厦 羽 軌 立三山 幽 夢此法 為 還 家無喪禍而念居線 避 虒 赦中 形 求 釈 像論立云 依舊貫石勒 役 頂 之流 本 材 假云佛道 1始來 遵 所成 號近道無 競為朝 至 天世二形 羣生非 謖 訓 尊道堂質 今七 之 誀 及士隔蓋 梵 日 左取日 假 剃 念 絰 -髠 右活朝陽 世

**裘信有斯諺夫真偽相形猶未莠之相類善耘者存未** 餘人 周 同 而莫測故有此聖被聖殊方類於比肩前佛後佛 **尺足日華 三季** 容周姬一 人可化故十方聖智比塵沙而不窮八萬法門傾 同首軸之間毀譽不盾卷舒之際向背麥商掩目 於 (無践聖之理羣前絶登道之期又光譏十異後讚 繼踵像正差降 世訓尚無改於百王鄒孟劇該猶重美於干載豈 代而三變三遷老氏一身而成道成佛即是 淨穢區分懲 惡勸善其流一也 横孔明集 7 異世 河 盜 Ð, 海

金りせん 洏 如漢 去莠水道 之之|[隐會 像 概 燒斬格鬼佛 錦 帝 鳴斫纛經訓 有量 也亦而何 石符書 螸 者亦 佛誅以 晉 欲内斬僧 禮 異 號云 筮始之選 於 主 يلا 摩 易 依 康於三俗 澄苻 之 俗 真而 云答 牀 虎刀始 延 為主 騰 魏 積日 大出 春 知圈而以 本如 捨 善為傳法 君 世 和游 佛虎不正 吳 偽 餘 悪 上命 渞 化閉傷旦 £ 沙 慶於 衣安 安 清眼刑 巫 門 以師 錫浩魏詩顯 祭 節 黄頭白法之錄亦人 錦 共 勝 **煮衣說云水得** 於 煮 櫥 共 纛立遂柘福而 康 宗 輦 銢 所乃 坐 會 其流 自於滅跋不誅 髙 趙 不 邦 及置|版城||佈纛||回之 呉 延天佩門法用雖為 久 主錄 敕傳 澄 姶師|カ門||悪崔||儒歴 問云 王云

舉 揂 偽 此 謙·之 造偽殃引皆驗之於耳目 身 と、皆道降極尊德迴萬東良有以也黄老之術公等扶皆道降極尊德迴萬東良有以也黄老之術 ここうご 逢於鬼谷居浮許之先非獨人性之優劣亦所習之真 發惡疾之動拓 其疏譴也如彼夫顏関遇於孔門標德行之首蘇 虵 也且賢佞 不競者費才以拍勝殞躬崔浩以邪 牀 與麋蕪類質達方者辯其容鉤吻與素華齊 1.1. 乃謀煮 相 濫佞泄而賢 尨 正教意 二人 野江州集 非 後 姜斌以集許徒質王浮 彰聖許難分許窮而聖 取與之虚談其崇敬也 | 誣喪體 9 崔魏 浩書 由 张 纐 如 パ 魃 云

泉 潘捨家入道 亦 晓藥者分其性是以公旦點而還輔孔門虚而復盈 也 自來矣自漢明摘試邪見折鋒慧日凝 負盜奏章也則匍 也若失符蘇則 則 變非道非俗諺號門人善 而無竭汝言始於澄石不亦 解 髮繫頸以繩自縛牛糞塗身互相 吕焦棄偽從真曹馬傳燈而不 倒街手板逆風掃地楊枝百來自斫 **匐灰微背負水温** 祖善属古名鬼卒其救苦 誣哉自黄老風澆容 氏出 法道 輝法雲舒蔭姜 鞭 구 窮秦魏 打 孫 其法律 青罰だ 服 有 自 涌

一動好い

厚全書

重 大色日西 江 生萬行歸空千門入善辯才智慧豈徒七經百氏之博 世 教之所明非黄領之先構亦效他勝範竊我聖蹤耳故 白骨如茶何有得仙之理縱使得仙終當有死不能出 顏之推云神仙之事有金玉之費頗為虚放華山之下 衆警時漢魏已來道家未有金剛師子護法善神蓋佛 輕慢也原夫四塵五陰剖析形有六舟三駕運載重 不勸汝曹學之佛家三世之事信而有徵家業歸心 同奴隷之法罪譴衙伏比畜生之類然釋門鐘磬集 廣弘明集 발

定其是非以明得失冀後進者永無疑馬通人日余觀 正之談詳而議之發憤與歎欲使犯正異轍真偽分流 有考古通人與占衡君子觀季卿 化本乎陰陽物類所生起乎天地歷三古之世尋五 章云氣清高澄積陽成天氣結凝滓積滯成地人生 明非堯舜 之文不見天尊之神亦無大道之像來靈寶九天生 知其盲九也 周孔老莊所及故著歸心篇以誠子弟爾 非右 港 身 誹毀之論閱開士 辮

金分四是五章

アモリ新 ALL 是五億五萬五十五百五十五重天之上天也五嶽圖 保之縣元明之鄉定志之里災所不及靈書經云大雅 **撒圖云大道天尊治大玄之都玉光之州金真之郡** 童玉女之所侍衛住在三十二天三界之外案神仙五 五重無極大羅天中玉京之上七寶玄臺金珠玉几 道士大霄隱書無上真書等云無上大道君治在五十 之本也天地者物之根也根本是氣無別道神君子曰 也皆由三元養育九氣結形然後生也是知陰陽者 顧弘明集 四四 仙

為 虚妄之甚轉復難於但道家偽說無迹可觀習俗生常 無分段之形雕色心境何得更有實量玉山州 女之都諸天内音云天與諸仙鳴樓都之鼓 云都者親也太上大道道中之道神明君最守靜居太 天尊復是天之民伍如佛家經論三界之外名出生死 樂道君推此謬談則道君是天之神明既屬州 出緣起隨而判之深周禮自堯已前未有郡縣舜巡 日已久能犯競叔至有不同 如欲正名理須詳悉令 朝晏玉京 郡鄉 縣 則 里

金少口

保偽為真良可羞恥其根脉本未並如笑道論中委曲 悉古今未窺經史人間置立州縣亦言天上與世符 名 五. 也通人日莊周云察其始而無生也非徒無生而本 百 屬鄉居與凡不異既有州縣即有官民州牧郡守姓 截始見州名尚書禹貢方陳州號春秋之時 縣大 何鄉長里司誰子誰弟並是管學道士無識黄巾 都秦并是也縱有道在天上猶 應觸事無為何 郡 屬縣漢高已來以縣 屬郡典點所明九州禹跡 馬江川展 克 凶 何 郡 無 不 同

精化為神精神凝結上於九天九天之氣下於丹田與 推 故 黄精經云流丹九轉結氣成精精化成神神變成人陽 形 形非徒無形而本無氣恍惚之間變而有氣氣變而有 氣亦名曰玄丹陰氣黄名曰黄精陰陽交合二氣降精 神 合凝臨於命門要須九過是為九丹上化下疑以成 此而談無別有道高處大羅獨稱尊貴君子曰陽氣 日有有無相生也萬物 形變而有生人之生也氣之聚聚則為生散則為 一也何謂一也天下 一氣也 死

一分好四年全書

冥幽冥之中生子空同空同之内生於太元太元變化 三氣明馬一 本從氣而生所以上清經云吾生即恭之中其幽幽 也是謂無狀之狀無物之象故知氣體形养所以迎之 名儒及河上公解五千文視之不見名曰夷夷者精也 於人不云別有道神能幸萬物使之生也通人日古來 不見其首氣形清虚故云隨之不見其後此則叙道 之不聞名曰希希者神也博之不得名曰微微者氣 氣青 一氣白一氣黄故云一生二二生三 冥

精則神明神明則長生精者血脉之川流守骨之靈神 常君子日原道所先以氣為體何以明之案養生服氣 相之體三氣為別相之體檢道所宗以氣為本考三氣 智周等老子義云合此三東以成聖體又云自然為通 精是精靈神是變化氣是氣象如陸簡寂滅於顧歡孟 經云道者氣也保氣則得道得道則長存神者精也保 之內有色有心既為色心所成未免生死之患何得稱

飲定四庫全書

秦生神章云老子以元始三氣合而為一是至人法體

地 自然則道有所待既因他有即是無常故老子云人法 相違故稱法也自然無稱窮極之詞道是智慧靈和之 謂得道也通人曰縱使有道不能自生從自然出道本 無義也君子曰易乾鑿度云昔婚人氏仰觀北極 地法天天法道道法自然王弼之言天地王道立不 用智不及無智有形不及無形道是有義不及自然 彭祖修之以得壽考校此而言能養和氣以致長生 去則骨枯骨枯則死矣故莊周云吹欲呼吸吐故 長と月し 納

與義義二仁一則人亦有三三三合九陰陽相包以成 九者立天之道日陰與陽陰二陽 客成次歷數五行九官之說自此而與故說卦云陽 豈非感 亂陷墜人間 之道日柔與剛剛二柔一則地亦有三立人之道曰 定方名庖犧因之而畫八卦黄帝受命使大燒造甲子 包三界居七英之房出九宫之上行神布氣造作萬物 物不聞別有道神處太玄都坐高蓋天上雅三清下 耶校功則業殊比迹則事異沙門 則天有三馬立地

|欽定四庫全書

大色日草 二十 在他而靡建道士言行而多過立不利之遐迹逮不朽 足馬夷天波者哉非所類矣 之玄敢洋洋乎明可尚也其唯釋教數豈以坳塘 横孔明集 华人

金万四届在書 廣弘明集卷十三